

鐵

橋

漫

稿

鐵橋漫稿七

文類五

四錄堂類集

身程嚴可均景文撰

陳燦若傳

陳肇英字燦若初名煥身程之舊館人父槃字敬心有隱德燦若弱冠爲歸安學生萬歷戊午舉人崇禎辛未進士除應天教授遷國子博士歷兵部主事南職方郎中出知撫州府搏擊豪強無所避擢按察使僉事備兵九江當左帥失機游兵莫制燦若申嚴禁令無敢譁于境上者流賊內偏明社將墟泫然曰事竟至此乃自號止宐甲申正月乞終養歸未幾國變而左帥移駐九江矣江右祀名宦著有韻府披寶南樞奏議齋治堂集俱未鏤版今亡

嚴可均曰余家距舊館五里公之孫女余外王母也幼時屢從往齋治堂見破書堆有李長吉集是余族巖幹子手批者乞得之後卅年子姓播遷零落而第宅屬他人矣君子之澤五世而斬爲之太息

嚴廣輿傳

嚴御風字廣輿號泠然初名有容歸安人祖軒貢生延慶衛教授父自省萬歷壬午舉人中書舍人廣輿博涉羣書通達時務崇禎初舉賢良除溧陽丞以卓異第一遷池州判歷福州同知汀州漳州知府所至百廢具舉擢按察使僉事備兵江右丁憂歸開革後徵不出順治六年卒年六十五廣輿世居雙林雙林之嚴與石冢同源石冢我鳳林分派也廣輿明季循吏其舉主

卽石豕豕如副使豕如與廣輿故兄弟行內舉不避親亦猶行

古之道焉豕如子三求稱廣輿古文雄高自恣今隻字不傳

兄亡

頽臺得摺扇面有東塔寺朱買臣墓詩二首末題萬歷癸卯嚴有容蓋弱冠時作其詩曰翁子二千散長眠秀水隈鴛央新故侶騏驎短長才寺偏碑仍窄墳傾土大培紛紛游冶女爭上漢臣臺又云嚴助同佳傳縑流守豕人猶憐禾地坤曾帶有稽春石冷行吟蕩花般去婦塵自從成雁塔不復臥騏驎詩有風致可入湖州詩錄再續故附記于此

朱致一傳

朱用純字致一號柏廬崑山人居通閩橋東父集瑛字以發崇

禎貢生鼎革時助王佐才守城城潰投東福寺後河外乾隆丙

申入忠義祠用純性端方不苟言笑吳禎末蘇州府學生痛父

外國難隱居教授以養母弟子著錄者數百人康熙己未舉詞

科不就賦朱布衣詩以見志卒年七十二私謚孝定著有困衡

錄萬七千言儒家者流異乎道學家語錄其最傳者治家格言
江淮以南皆懸之壁稱朱子家訓蓋尊之若考亭焉

全紹衣傳

全祖望字紹衣號謝山小字阿補鄞人年十四補諸生始謁學
宮至名宦鄉賢祠見謝太僕三賓張提督杰木主曰此反覆賣
主賊捶之不碎投領池雍正七年充選貢入都上書禮部侍郎
方苞論喪禮或問侍郎異之由是聲稱藉甚十年舉進士不第
工部侍郎李紱見其行卷曰淡盦東發後一人也十二年

詔開鴻博大科膺薦者二百餘人集都下祖望譽最高徐相國
屢招致之不往遂淡嫉之乾隆元年成進士改庶吉士十月大

科

朝試相國以祖望故特奏凡經保薦而已成進士入詞林者不
必再與鴻博之試祖望負氣爲五六天地之中合賦擬進卷二
首挾漢志唐志之微出與試諸人右當事者益嫉之明年散館
列下等外補祖望性伉直不能容物先嘗患齒痛妻張因事相
規笑曰此雌黃人物之報也卒不改至於放黜既南歸丁外內
艱服除不復謁選性好聚書弱冠時登范氏天一閣謝氏天賜
閣陳氏雲在樓遇希有之本輒借鈔入都鈔書不輟坐是困乏
以行篋書二萬卷質於黃監倉然猶就永樂大典取所欲見而
不可得者分例爲五一經二史三志乘四氏族五文集簽鈔之
及放歸重登天一閣借鈔不輟家益貧饔飧或不給冬衣衿衣
唯韓江馬氏稍調濟之主講葺山書院不數月與紹守不協固

辭歸後主講端溪書院年餘以病歸乾隆二十年卒年五十一子昭德年十三先五月卒議立後而本支無其人乃立疏族孫孫桐爲孫盡擲所藏書萬餘卷於盧姓得白金二百爲喪葬費孫桐纔七歲後亦不達祖望經學史學詩文雅擅衆長生平服膺黃宗羲宗羲著述甚多其最傳者南雷文定于殘明碧血刻意表章祖望踵南雷之後亦刻意表章詳盡而核實可當續史其七校水經注半在趙一清本中困學紀聞三箋嘉慶初屠繼序得本梓于廣再梓于浙學政阮芸臺得經史問答史夢蛟得手定本鮎埼亭集竝梓于浙外集詩集亦漸次梓行余觀古今宿學有文章者未必本經術通經術者未必具史裁服鄭之與遷固各自溝澮步趨其一足千古矣祖望殆兼之致難得也當

事者不善護持至使終身放廢人既阨之天亦阨之然而不朽著述久必發揚仕不公卿何關輕重自祖望歿後至今五十餘年其遺書出而盛行知不知皆奉爲浙學之冠故爲之傳俟史臣之述文苑者采焉

沈祀望傳

沈祖惠字祀望號虹舟烏程之馬要人明工部侍郎節甫來孫父在莪贅吳江平望李氏祖惠生浹月而母李卒育于外王父母仍爲外氏贅壻外氏無嗣因冒李姓年十九爲嘉興縣學生尋會餼雍正己酉拔貢乾隆壬申春領解第一其秋會試第二歸班改復沈姓除江西高安縣知縣充己卯同考官卒年六十八祖惠殫精挾括弱冠有聲屢困場屋年卅四游陝甘學政幕

中始銳意詞章爲西征賦兩年乃成其序曰甬夏都會十有七
而秦地半天下漢唐建鼎全盛文學充於有位誇宅京之瀛壖
競人神之瓊富揚光飛文鏗鏘百代矣折以夏周文字至簡要
而雍州所轄山則西傾朱圉鳥鼠太華終南惇物三危合勅熊
耳岷嶓岷岐荊而鎮吳嶽水則漆沮澧沔涇渭河洛江漢黑弱
而澤鼓弦蒲所謂包地絡陰陽挈神州綱領窅其被六合成帝
畿天下有變長驅荊豫天下無事鞭策戎羌秦并六國制東面
之權也周逐猱狁漢擊匈奴隋唐致呼韓突厥後病吐蕃回紇
憂在三邊也呂余所見詎待天山瀚海卽隋文臨鞏榆關之間
雜虜出入好人而怒獸蜂屯蟻聚至不可爬梳則欲毛舉大概
呂揚摧漢京鋪陳邊塞情繁理富靡所置喙僕東鄙人也所見

不過裏崧蒼雪煙蓑雨笠時相往還嘗一驅馳涿鹿仰睇

神京歸裝敦迫金臺燕市之笏謦詠僅矣頃隨使節周歷全秦

時交河王侍郎蘭生師督學雍涼邀助閣卷

兩年已來東盡商洛南達漢中北抵上

郡西薄燉煌縱橫萬有餘里所至得攷其圖籍山經地志神書

怪牒起蓬皇幽昧逮歷代將相侯王人物網羅印證頗廣見聞

顧鋪敘則事涉於鈔胥剖析亦技窮於隸首惟是東西郡邑交

會之往來跋山踰河鞍馬行理之委頓與所歷邊方險塞碁置

星羅蠻女羌童形詭音別及夫艸木荂落風雲變態春秋兩易

牽於情思實多昔張左十年作賦屏人事而塵得之故逖覽賅

聞洪纖畢舉僕才謝雕蟲構思促急略仿潘岳西征竊倣詩人

誌行役之義非所親覲不以撫羅其陳蹟鬱湮而滄桑寥廓感

今古之茫茫爲臨風而凭弔也其辭曰粵維癸丑孟春正月初
吉營室纏辰太簇中律土脈始和寒風餘粟乍椒槃已領花促
斑衣之離膝師命有程浩焉西征將翦井鬼之分野控雞梁已
帶縈起東海而略虞淵薄蜀庸而窮朔漠暘昧幽明所歷孔博
際

聖清之一統橫宇宙已覽廓丹陽水會句曲行彭橋聯姊妹城
枕鳳皇環鍾山之轟轟開白門之堂堂尋莫愁之冶麗入建康
已高驪明祖作都樹國再世乃輟而弗康然猶肅留守者三百
禩薦孝陵者十五王與燕都而對峙棋宇內之金湯凌中流兮
發櫂汎大江兮揚舲雲日沃盥天水空青參差山郭隱約津亭
迢躋危城登峭閣登江浦城樓銀濤指鐵甕已鴻奔采石望江陵而

岵嶸艦鷁齊飛檣鳥遠掠疎茨繡馳短轅言邁東葛過東葛城凌厲

中原漸蒼蒼而異色澹蕭颯之墟邨輕陰犍犢落日鷄豚則有

豐山清娟淅水潺湲夕陽好身兮賓客關小閣幽梅兮風流暎

醉翁亭有老梅相傳為歐陽文忠手植猛將鈴甲於東門守祧具禮於天慶天慶觀宋

衣冠藏藝祖清流耕畿首扼雄關關踞山頂三面壁削宋一夫當險祖破李景兵於關下

萬夫莫扳緬殿前之點檢此咤喏而拔山繁纓藻飾袍袖朱殷

渡珠龍橋攀磨盤山層岡疊嶂剗削巉岼已跨鳳而路闊尙環

滁已勢攢相先民於殷夏赫高皇之龍韜朱旗起淮右羣雄殄

八方致治齊乎唐宋發迹竝乎高光何燕王之靖難志剝喪乎

元良彼末葉之黨錮職詒謀之不臧南都淫樂終始興亡積皇

覺之古寺追豐沛於疇曩明祖受命曰皇淮水湯湯隰原膺膺

覺寺爲龍興寺

憑軾西蒙

蒙城縣

結紉城父

義門集春秋時楚太子建所居

桐毫交衢吳楚錯語

弭鹿邑

縣

入中州黃輿豁其廖霸八極回乎寸眸

自陳至許四望坦平道多

列

太皞始居此地闕父封於有周秣馬乎魏都稅駕乎許濠武

安雄烈義動奸操古橋逶迤遺像飄蕭絢藻廡壁飛舞旌旄

計州

人里橋有關壯繆廟甚煥麗

歷新鄭觀邾邠遠帶嵩邛近回瀝穀跨伊洛已

迎陽前澗洧而宅卜既溥既長連螭結束無平不頗突兀軒轟

宏陽曰西無坦道

川原阨於號卽繚戾通乎韓趙絕岸欽崎而剝缺隆

山敦窳而縣杏析城太行縈青未了朝發軔於永寧縣夕余駕

乎澠池

縣

偉英簡之進缶不東瑟之偏嘍頸血欲灑白刃靡辭

威夷峻阪崢嶸古堦輦轂縣接人馬饑疲磁鍾

地名

卽次曲設是

榛近高天曰穴處外屋翼而鉏芸如彘辭其羽侶蟻藩其軍

磁鍾

審房最著每依高陵爲之街衢循曲阿已鬱鬱紛轆轤其偏窄巷陌皆具種作牧放往來如蟻

衰軫墨經而授戈催汎塵兵而流赤陟陝鄂陝州當塞隄周召所

分東西是劃指懷義地名之荒屯慨曲沃之兆逆禍衍椒聊君如

碁奕知天道之好還開三晉日分磔靈寶縣之墟桃林之驛國

繫亡虞城顏通號二字刻城門貪賂而賣厥鄰不臘而旤已迫姬欲

昌乎武胙疆大啟日戎索闔鄉縣重險函谷阻漢天路壁削地

道晝陰封一丸之泥斷六國之襟踣蹶低仰日赴軌龍從崖峇

日噤音傍迫路之長驅終白日日無見元鼎故關宏農古縣漢元

鼎三年徙函谷關於新今關戾園則湖地塵存今關鱣堂則高陵已

變楊震書堂俄焉粉堞聳霄戍樓迎現潼關城堞皆依萬仞之山峯偃蹇日

支撐濤喧在溪峽中萬峯屹聳然中斷乾旋坤轉壯

百二之宏圖關潼關之四扇其關也建瓶韓魏括囊齊魯拔舉

兩戒鎖鑰三輔十二連城禁溝門戶

守潼關者禁溝最爲要地古設十二連城於禁溝之

西由南郊曰抵山麓每三里一城聯絡呼應疾若風雨

自哥舒慟哭組練生虜羽騎填塹

橫尸膏土黃巢襲曰偏師闖逆登於再鼓

俱從禁坑陷關

失險由然明

鑿具古載遵廣路始蹈秦郊琴寶杖疏艸木漸苞沃野于里都

會四交爾其華陰紛翠鉅嶽舒蓮抗仙掌曰高擢

東峯下仙掌形自縣望之

五指

分明眇玉女之孤籬

東峯左襟下爲玉女峯

削成四面直上五千其帝少

皦其祀金天伊姚紫望億祀裡虔增飾崇麗流蘇華旂青龍蚺

繆舞鳳嫵媚纒屬輦道宛委楯軒斧展設虞業縣鯨鐘鼉鼓軒

匱般圖穹碑漢代蚡樹周年

西嶽廟在華山右壯麗如岱廟北宋時有漢碑三其延熹八年碑前

明尚存今僅見舊拓本若六朝曰來石刻不計其數有古兩師樹撫之有古香俗稱青牛老樹方志云老子出關時手植

警蹕風伯施鞭揚蜺旌而曳雲旗駕玉剌而駮紫軒

殿壁畫嶽神出游風

蜚法駕羽蓋霓旌之屬

飽癡興於終古悼山河之幾遷疇瓜剖而豆裂疇

虎諱而豕慎當鎬池驗山鬼之壁正蓬萊斷徐市之船傷夫貴

賤一丘賢愚同做神醫之幽豕長昏清河之英風久逝

華陀王猛二墓

俱在

古廟紀公紀信

忠高裂毗爽長樂之酬勛無帶礪曰錫誓若

夫騰謝瓊鋪籬荒艸雜挹白雲之靈霽面翠岑而起第

柳子鎮西爲郭

汾陽

蘭綺鑾儀笙歌女侍當垣井之摧積尙池塘之精麗繾綣

汾陽流連百世彼樊重與王根誰顧瞻而雪涕更有希夷橋畔

先生陸

子美谿西

杜謫華州司功題爲小曲江者

斜陽芳樹春風馬蹏亭堠修

敷金碧招提距華而南遵渭之浹灑涇來同漆沮爰止眇觀天

吳噓縮入水爾其麥隴鋪葦東皋雉雉鄭白

二渠交流山川適美

望雨決春渠成雲破騰相淵華玉激揚滯靈湫

溫泉在驪山下
屬臨潼有華

清宮 隨址 排霜吐旭去毒吞肌

浴之療
百疾

樂動朝元之閣

遺址在
驪山頂 花明

羯鼓之樓荊原貨幣

荊原卽三原因
縣在荊山故名

流泉積石遂簷清宇豐貂

煖裘亦西都之近縣分五陵之貴游弔喪國之遺社觀九原於

咸陽

咸陽郊外皆
漢唐諸陵

苔纏碧獸風慘白楊盜珠襦及玉匣任樵蘇

與牧羊悲侯王而將相竟螻蟻之同藏青燐衰艸淡春野棠撫

松楸之豐蔚獨蒼姬世德之緜長

文武成康諸
陵在郊西

經降王之軹道

心懷古日恍惚秦兵銷呂六王楚火絳呂三月未冷焚書之坑

已災阿房之闕繡嶺明珠芳塵亦歇爾其驪山左峙終南右開

山互

道新平

縣 逢馬嵬

驛 當夫霓裳舞散鼙鼓聲催延秋夜出

親犯塵灰奮六軍之咆勃追傾城已自裁舍白傅之長恨竭西

崑之豔才若乃孟堅良史伏波宏傑雄旨腐而自豪聽笳鼓已

中執墟墓過而哀生素心仰而神結班固墓在武功縣西三十里馬援墓在扶風縣西十

里覽彼朝陽高岡岐野岐山縣西十里瞻太白已入雲在鄒縣觀遺

亭於作者鳳翔府城東北涕泗拾遺流離戎馬戀行在已裴回

竚園陵之埽灑邈然開元誰歟傾厦豎肩北征憂傷變雅憑威

風兮荒臺城外有鳳女臺遺址問橐臬兮故瓦兆後嗣之坑儒殉三良於

地下弔遺墓而果然淚潸潸其盈把穆公墓三良冢在今試院旁遡奉天今乾

州於建中唐德宗年號危鑿輿之逼寇奸隸孽臣亂本誰究雖奮太

尉之忠已辱天王之狩不顧眾已矢言知國是之益謬古翰坊陸宜公

草詔梁山州城西北五里磅礴勢薄蒼穹建石城已文錦豔離宮於祖

所龍始皇建織飛閣神行莫我能蹤望見李斯車騎即此爾其金鳧女主銀

龍錦城其上

上卷八
馬陵

乾陵

在焉述聖德之照耀

上有述聖碑象紫極之巍崇不朱

脣而日角革大命而熾豐爾迺自投相

官縣

今同曰斜分徑彭衙

水

曰遠騰穿茅莖則曠曠其陰造幽險則濛濛欲雨崇岡嶽嶽

翠壁環彎劔厓人絕急礪流潺聽哭泉

嶺名下

而盤夫丞涕上

金鎖

關名四面奇巖插天

而壯士摧顏躡跡半天而目眩思鄉

一夜而頭頰橋山大觀

中都城外二里

精靈會聚繼皇之三首

帝之五惟子姓之繩繩歷姚姒子姬更姓改物而同祖刷嶮竹

曰蘇臂擒蚩尤而膏斧衣裳既乘陰陽攸序攀龍馭於鼎湖

高有碑刻黃

帝菲衣冠處

希閭風於漢武

陵前爲漢桂館飛廉金莖玄圃攢

立叢駢合抱千樹芝房蠢菌揚其梢玉膏流根成其瓠

享殿前柏可數

十抱前朝枝忽

半外半生熊僵兕怒若夫絕壑淡曰走霆繼徑

生蓮其痕猶在

起而逞詭心戒別營目禁旁矢各魚貫而牽在聊銜足百安趾

候輕身而突過暫寬心百發喜時轟轟兮地之底又班班兮雲

之際突觸石百輪摧如涉川而尾曳由中部達洛川路尤幽險亦復奔濤界

漲暴水膩湖浮川靡楫佩罽奚瓠燧淵客百濡首昂方几而成

桴馳波跳沫亂點輕鳧時郡河暴漲早人百桌僅得渡摩圭山眺上郡今延安府衰

包山右而爲鄰中隔黃流百相間去警延安距晉省僅隔大河則有夙毘之

巖在府城外清涼之岡洞天福地露井銀牀窮諸天之殊相各尊嚴

而寶瓊夙毘巖洞中鑿石佛不計其數竦朱峯百冠日颯巖突百迎霜極修路

之眇眇紛懷古而慨慷自從五季凌遲餘氛未盪經執皇之埽

除終武功之不暢吳越來同燕雲淪喪契丹策馬南馳西夏拔

營東向金繪竭於賂夸財賦糜於括餉身延兵氣林巒瀾振徒

勞韓范於戎行久辱大臣於虎報感東山與采薇賦相思名亭而

惻愴司馬光感征戎之苦題詩於亭復有九龍韓母載育斬王韓世忠故里在

墓在九龍山戲槩年少臥虎簷廊世忠微時嘗戲槩二郎山又嘗傍

祥徵乃許嫁焉冠中興之名將終西湖已放浪當秦吳之異域悲故國

之滄桑世忠謝兵柄自號清涼居士清涼庭若夫扶蘇大豕蒙

恬古塋竝在緱互白虹之隱見吐忠孝之光精二豕對峙圓水

之湍沙飄忽即無陰漢縣名在雕山之陰之戍馬嘶鳴城東

里古屯照天邊寒月之骨動山東思婦之情過豺狼之故穴由

戍處而北即痛勝國之蝕地銀川驛奮臂赤縣馳維如朽索之馭馬

米脂縣竟分崩而爽師李自成一馬夫因裁驛站饑荒無所得食遂已

者充之有司務加存亡明因憶明祖亟訓自今驛卒必已糧富丁多

恤蓋有已知亂本矣履榆塞跨雄陞控弦鐵騎積粟精柔成化

九年

都御史余子俊相度形勢東至清水紫城西至靈夏花馬池築邊牆二千里增置營堡勑榆林衛移紮德重兵鎮於此自是綏乃安枕闖逆之亂闔城殉節本朝林養生息榆鎮復雄近已改府輦費輸貨充肆溢遠昔有名

臣是度是咨畫沙聚米式固藩籬則有太虛閣外在府城中街凱鼓

樓頭

在城北門迺臨大漠沙因驚而自響塞不風而已秋望邊

埃之隱隱橫地脈之悠悠原夫河流灑瀚滌蕩戎華徑橫城而

出塞絕大漠已入葭錯落郡縣控制犬牙河自西而東由靈夏橫城折而北爲出套

北折而東復折而南由黃浦川入葭州界爲入套紆回二千餘里環抱河南之地謂之河套漢朔方郡縣繡錯其中自昔

策衛套中直跨河朔東勝有城受降是築登陴一望平沙極目

我失險而撤藩彼渡河而南牧鏡得失之所由攬前事如發覆

明初卽唐東受降城故地營東勝跨河北召衛套中我登城一望則平沙莽莽無林阻百十里而遙匹馬一人不能隱彼輒望城引去遠居漠北河限之而套爲內地彼候河冰乃乘間入犯戕防秋冬而春夏得力田套中修城守雖遼東宣大靈夏甘肅

莊復類茹其毒而延慶無患迨東勝不守外險既失彼始渡河
無所忌而鎮兵駐綏德往來策應苦不及故余子俊創榆林衛
然東勝終不復法久後說邊牆積薄而此加斯蘭火篩等寇固
原剽宣大楊一清總制三邊始復申搜套復東勝議與首銳議
俱極
不行返波陀之郵時遵巖谷之圻墜廢剝荒殘貞觀黜聖蚩髡

動戶隔毛髮森襄鄂

柏林山下太宗曾次兵馬寺壁猶繪有畫像

若其澗流淺滴石

被寒葩日月會於龍隄役車息其勞譁野戶除山已發燒村農

落架已斷瓜祀舉迎貓節近於貉洵慶壤早寒而民俗可樂

慶陽

僻處萬山中不

尋古郛今長

武之隘巷陟幽國

今邠州

之巘巒冰梨

冬孰萎葉霜丹飛帛灑雪細眼流涓推皇過之徑度極瑣細已

疏觀煙霄拱極昭陵九罭

山名在醴泉縣北五十里

肱酋雅隄而交趾龍媒

刻琢已方瞳

陵上刻番酋形琢六駿像已旌武功

凌煙佐命兆域陪從

功臣密戚各賜塋地

陪葬

闕五雲於松柏想文皇之劔弓京兆

今西

脂車青門

長安東門整

縹金墉顯敞重關閣邃列隧分衢循方按位諠譁則吮聒宇宙

躡塵則埃埴天地故帝京絢駉篇西都美班思凝碧太液昆明

曲江建章清籟神明壁璫鐫鉅麗於金石綴簾幙呂琳琅他如

杜韋之曲鄭韓之莊譬百丈之喬木表千年之故邦况復由來

天府自古帝闡銅駝金狄氣象鬱蒼壯柱下之遺文觀石刻於

歷代俗稱碑洞上掩岫嶼旁羅騶岱共梯險而縹緜乃森列乎壁水

離宮之內明皇御注孝經文宗太和石經及五經文字九經字樣與秦繹山刻石等俱在碑洞其諸寶刻

煇璘貞珉瓌麗營迦寺曰荆殘天聖詔營浮圖姜遵毀漢唐碑堅好者已充甄璧縣尉不可乃

止修灞橋而捆載時韓鎮督工急民磨碑石已應之詎游藝之精英來造物之

妬害玉聚仙井悟真曲岳栖呂玄都之神簪呂青精之屑輞峪

環流雙厓蝶辭藍田縣南八里有輞峪河乍掩映呂虛無錯天光之明滅豁

然開腹芳艸紛纈

三里區初入甚險過此別開林壑

雞犬蕃滋桑麻修絜漁樵

耕牧生理饒溢何厯日已知年驗榮枯之更迭

其中良田果園男女衣裳往來

種作不異外人但洞門淡邃邈與世絕所謂鞞川也

飛雲山鹿苑寺

右丞故廬歛湖孟城

之勝木蘭文杏之株虵蟠門棋艸沒荒除忽猿啼而虎嘯亦眇

眇其愁余若夫人上七盤

坡名上此則入萬峯中爲藍山

馬疲百曲放眼秦川

塵界自踰瀆渭注豐不盈一掬朔陽逸駭於其阿積皚紛凝於

其麓搏壁立之翠屏湧濃蛾日黛綠珠瀑冰涼琮瑋絲竹藍橋

在藍山下

神境雲英嫁時倚瓊崖日微睇託碧波日通辭則有洞留

丹竈

碧天洞韓湘修真處其溪五六十里

艸長雲芝膏分玄液葉挺華滋靈谿一

濯疏淪心脾發鸞鶴之清獻陋塵寰之喧卑秦嶺層顛昌黎廟

作自牧謹鎮而上爲嶺絕頂昌黎廟在馬虎狼

接跡有碑刻示姪孫湘詩蓋貶潮陽時經此階門麈尾庭羅

峴秦嶺西水入河東水入江熊耳北水入河東溪太白之居南

塘處士之室

許渾溫庭筠各有詩

靡不結猿鹿爲羣鋼煙霞成疾迺有熊

耳山縮尖鷄冠

山

戩翎簣嶢

二

凝素商洛滅陘

時商山道中大雪

踐履

久於滑石振短策而矚躡吟肩聳矚奇賞通靈侶羣仙之騷鶴

張玉笏於天庭瘦馬長嘶藍關尙擁百折

嶺

蟠坳亂石

名

臃腫

撲危磴與飛梁縋懸厓而身搜極夫彤雲殺氣積日不開銀花

亂撒玉屑霏來我馬瘡而警策我僕痛已詆喚紅衫青笠木末

山隈爾其藪澤清華淥波澹遠阜葭菼與川禽獻髓唇及鱗鱣

實惟上林漢家故苑

在渭南城外

當夫離宮別館羅乎丹淵翠葉紫

莖揚乎碧巘拖撓壇飛玉幘格貌貅控大宛關脰絕臆投刃觸

圍發貳殪兕利獸蹶蹶受禽較獲樂已忘返吞雲夢不帶芥癩

孟諸若蛟螭至於香山詩安祇賸殘碑

渭城東十里白樂天故宅

樗里秦墳

尤傷荒劫

樗里疾墓在上林苑

吁平疇之廣衍屆少華山

之岌巖惟周室

之咸林母弟封而開業

今華州爲古鄭

爰有行宮

卽今試館

陰陽所洽迹戒

崇侈制從卑狹我

皇祖西幸乎華封實作師而韎韜則有集賢相里

裴晉公第鄭縣古

亭見杜詩今杜基是

仙娥駕降

郭子儀未遇時道逢織女下降

王子丹成

王聖遇仙於符陽之山及

抵家已數世

織鱗持於龍戶

長安有象龍戶懿皇朝龍池中走失兩條於東都魏王池中覺得取

歸道經華州刺史李訥曰爲妄驗之則二小瓶貯二小魚其人

鑿穴尺許注水穴中取魚投入尾觸穴四隅隨陷水亦暴漲穴

闊數尺

巫收之紺塔瘞其鳳腥在鳳居山開元中鳳逐二龍至此龍化

之山巔壘石

晉將斬蛟於赤水

赤水上源有周某處寄斬蛟於此其

爲塔曰覆之

秦官豐祀於穀阮

穀阮君卽王翦之神華人祀之

莊留王宿

州東北二十里有王宿莊

赤

水遂

相傳太子宐曰廢奔宿於此城告武平鄭西武平城武王曰告太平者爾乃渡渭濱洛斥鹵

揚沙即沙苑水流沃呂漬壤艸含凍而豐芽種繁汗血地稱渥洼

王有虎臣攻駒簡花分馳角北顧影驕誇權奇綠縹則天閑駢

驥連錢夾鏡則邊鄙騶驩礮礮魯突塹阜谿訝嘆乘黃之一去

空犇逸夫麋廢土峽磊崎長城廢址自洛水抵同州見長城故址戰國時魏所築呂禦秦

者距虎穴而我虞喪七百其焉恃所喪即今鄜延銀綬之地武靈胡服呂闕

邊早睥睨而揮指陋亡秦之築怨亦作俑其有始長城之築始於趙之陰山

燕之襄平魏之濱洛而秦獨蒙惡聲若夫臨晉今朝邑晨渡罌缶夜鎔自夏陽至關平曠百里大

河易渡漢祖往來關中經此七國謀反亦從此入又即韓信虜魏豹處周文造舟而自洽今郿陽武

皇東狩呂橫汾山夏陽芝川而渡長春柳暗宇文護築隋文置殿呂暉河華洛渭白樓句

芬令狐楚有白樓賦元稹詩煙入白樓沙苑暮石室鍾西河之澤郃陽飛浮山有子夏三石室今入於

河龍門雄司馬之文維昔二儀蹂曆元炁昆侖山河磔裂敏盪

未安帝乃命巨靈持鼇之極執紘之端蹠掌翼彞天地曰官猶

復沈淤壅闕未批導夫髀髓絲九載而弗績禹隨山曰鑿刊遂

乃轟雷飛霹屑雨奔湍直下九幽破激空貝闕寒龍門山屬韓城大禹所鑿

斧迹猶存河流自山直下千仞積久夜合而平陡春雷微動曰

濺沫如雨濤聲若雷地皆震撼禹門久橋每歲大雪時合鷲蟄始開爾乃尋漢南之樂國出古道之陳倉今寶

鷄五丈五原五丈隊仗礮谿玉璜石鼓岐陽之狩鳴雞霸氣之張益

門鎮名自此始入棧天險離雍割梁棧雲紛白練雞岫蒞羊腸橫當隴

漢旁距氏羌陰陰溼霧冥冥紫梯象虹霓之回帶鳴春江之流

漸經九折已蹤滅繞千峯而意迷中原盡邸閣一線通蜀圻經清

風關長橋草涼驛隨峯旋轉徑若螺紋架木填臨鳳鳳嶺縣城岵塘土車馬行空竟日至邸閣峯益陡爲秦蜀咽喉

稠叢結構徑駮駮今無鉤援絕磴路今如縣溜雷車雲隱馬寸

人豆過廢丘發南星

俱棧中驛

翠蹊溪窈碧礫清冷鐘籠篠蕩布漉

娉婷柴關

嶺名

直上猛石蹲踞水隔淡林而怒號徑穿怪木已危

已留疾得名

濤急鳥攏

度騰清猿於遠梢嘯子規而迷處雨趁留壩

已留疾得名

濤急鳥攏

江名在棧閣下

虎頭嶸豎

怪石臨江狀似虎頭故俗名虎頭關

爪鐵牙銅臨崖飲礪人出

沒乎其中馬鞞威巖

馬鞍山棧中最險之路突高突下如馬鞍者二十四俱臨萬仞之谿

纖路龍

鍾若鼓若鼎非羆非熊大鵬天半今乘翺翼桂江春水今露鱖

鱗尙儂佗倏倔彊礧礧挹驚瀑披翠甘絕幽壑摩高穹礪石衝

齧而險怪如鼓之大小錯列而聲礧伊昔漢王南下淮陰北馳

寒谿夜漲相國輕追幸樊橋之未立葢炎劉其已危

武關五十里至馬道

駟其河發西山峽中東流合襄水古名寒谿昔韓信亡漢至此水漲不得渡故蕭何追及之後樊噲於此建橋亦名樊河

號閻王

今改名觀音

勢威掣電揚巨斧已層層削高峯於面面鬱開

關之駭讎蹴龍象已搏戰劈石湫開焮犀靈見大筆蟠蛟螭神

功經鍛鍊茲險息其猶然壘嶂矧其未鏟

編極奇險壁立萬仞湫臨千丈幾無著足

賈中丞煨石關路崖刻宋荔裳

棧道平歌而經之猶覺魂悸

鷄關磳礫鳥道瀕洪七盤山即蜀道之登

天者絕頂

爲鷄頭關 聳冠礙日張翮排風吁噉蜀道芒昧蠶叢捫參井已

脅息闖闐闐而躡躡絕頂開豁褻糾遂窳積日曠曠始覩太空

裏糾道至此凡六日

爾其周原衍沃禾黍油芄引耶襄之大鵬跨秦蜀之

咄囔當夫秦鹿共逐楚猴最雄都彭城已分裂王諸將如沙蟲

隆準見偪燒棧莫通奮三秦之一戰卽殺函而是宮踰古襄

襄城

縣

入南鄭

縣

士馬精嫺財力雄盛赤符故垣久不一姓想鴻門

之舞劔危刀俎之待命雖鬱鬱其居此正養銳已蓄勁磊落王

氣蒼茫將壇

淮陰所登壇在今副將署

蹲獅狻於魏闕

漢宮大石獅在西門

同鐵馬而

不汗

平聲

爾乃芳郊繡錯漢水波瀾雕章始卸畫槩徐飛

自漢中至興安

循江東下

正惠風而春袂近上巳已澄暉煌煌扈扈紅燠碧漪繡頸

綺翼汀洲振衣結佩思要乎游女凌波微步乎宓妃躡蹠容與

焉知是非若夫亂石江心鉅釘錯置過隘驚灘穿峽成字

洋縣南二

十里入江峽

平流則澹灞溶澹當壘則澎湃突巖俄頃靜觀風波頓

異環珠入險渭門是次峽下黃金奔瀧愕眙

環珠廟至渭門三四十里爲黃金峽

萬嶂插霄船從半天而下

委鯨浪已簸揚騎仄壁已牽繩倏焉飛索中推輕

篙遠刺齊鈎弩已發機吵浮波而騰駟爾其長林挂壁已拂舟

怪樹橫江而接翠彌夏畦與冬禱富名材而如積取麋鹿而何

嫌淫芻蕘已不忌遠壁青淡近峯紫至欹艦側楫不帆而駛自

抵興安江行千二百里

凡六日順流下數十灘興安之州舊穴城狐

明末遭寇害甚酷

殺戮盡

鷄狗餘生半嬰孤休養百載元氣始蘇臨楚天之雄秀

州界連鄭縣

下漢川之舳艫刀劍佩於牛犢兵弩雜於畚鍤軍民錯列已靖

萑蒲引襄樊之利則黃白通於夏口販川蜀之粟則粳稻溢於

東吳蔽江流已鵝鸛森軍容於火茶

興安武備甚肅

川觀既鋪岳趣在

陸沿漢江已上下徑岡巒之重複時則細艸成茵青藤結屋舒

葉解苞含英飛馥羅生陵阜不辨何族峭澗林縣邃谷聳萬綠

已參雲露天光之踈踖右壁左江出其腰腹經馬嶺之高塘劈

長空已橫幅

馬嶺塘在山半腰極高險界屬石泉

乍弦直已伶仃竟紆徐而往復

孤根走瓊崖千章翳綺旭悉索山城茅檐五六可耕將百畝引

泉莩半菽游鯤鮪於寸波亦涵洿而卵育

石泉城不滿數十戶在萬山中得田方廣

數百畝餘皆頑石不可耕也則有奇巖超越望極天栗開日饒

風嶺摩絕頂關在萬山之頂宋吳玠守此有帥府遺址想黃柑之遺敵同攝飲已暇

整仰攻俛礮六移晷景吳玠拒金事南指滇黔之道北瞻子午之頸

七日長安厥路猶迴其口則仙楹天造雲氣金銀其中則危索

通崖風雷竊冥恐山靈之我訶聊目送而心騁子午谷口有峯陡出如盤猿狖

莫上頂有人仙廟若憑虛構造者遠望基地土石可辨其簷楹牆壁異艸纏結四時豔發仰觀若錦亦神境也若夫晨

敷夕秀吐葩含房薜荔蕙若薇蕪蓀萋靈藥盧酌所料異艸神

農是嘗遙村罨藹路入金洋卽洋縣雨肥翠麥畦閣方塘祈蠶則

嬰娑瓏壩洋俗春游壩壩取石之穿者已絲項之則安蠶占穀則量測沙倉石泉縣臨江有石窟

其沙濼淺主洋縣秋收之上下名洋縣倉猶有望雲待月霜筠露香亭開菡萏谷滿

簣簣容刺史之攜灑妙玉局之琳琅蘇軾有洋州三十詠我瞻城固縣踞

馱周行饒富甲漢南之郡豪華駐游客之縵渡黑龍江而黃沙

驛經孤雲山與兩角山女郎山木風颯颯已展旗靈羌有張魯城女郎祠相

傳爲丙穴嘉魚沫喁喁而受稍地靈美州大丙山之腰有二洞離

其女時召分至爲出沒洞口設昏罟入中奕奕定軍山其道有倬在

者取之洞下鑿長渠躍入者捕之在

沔縣東關外武侯墓在檜柏祠堂雨風棧楠石琴絃指元音古

馮離墓二里爲祠堂琴堂藏石琴上翠嶺佳城豐碑古

遊彈梁甫之吟鐫章武之朔刻章武元年

柱鬱鬱冬青哀哀杜宇嘔血而事猶辛籌筆而豪欲腐英雄灑

淚於山隅遺民私祭於沔沔人遇寒倉羣拜掃武侯墓道八陣雄奇神明擁

尾水急壯波濤月黑間軍鼓陣圖在山下每陰雨則聞擊鼓聲峽出金牛山聯

岫豕漢水所出洞峪崑崙已蠟熾瀑泉歎薄而瀟灑揆崖涉溪躡險

齊總橫留馬剗而石高逢迎舉繇而雲滄關路無先自我鑿空

上啓自入略陽界石路

嶺介棘道與岷峨江走嘉陵而巴蜀

略陽

險惡行百二十里入城

城西關截江而渡江源近出

百里內下通巴峽爲嘉陵江

牽修纜已嶺艇逆奔流已淫瀉天

迴雲昏征輦戒夙陰翳豁開林巒淨浴長條蒼鬱於孤峯豐稍

幽藹於礪隄列嶂巒齊危礪竦獨繚水郭與山家各鉤連已

簇照耀華爛呈幽發伏白馬之關陰平之道

階州路卽古陰平

鄧艾由此入蜀

譚河冥漲鎮家河在關山嶺下狂瀾欲倒登韋壩已高睨上五郎坪而幽

討石壁欹已飲河峽角騰而刺昊夤緣眇路已熹微起伏秋豪

而旋繞危輿髮繫犇蹶石擣凌太石山瞰犀牛江縣車束馬窮

險覲幽前趾受已後頂自力周於四游連山破碎纂組雲浮斷

厓杵臼曲徑鉤轉山精颯沓鈛利戈矛距久壑已弱棧界危道

已勁流坂坻錯繆谿谷紛糾變化寒暑乖隔華會原夫茲邦用

武舊餘戰血典午則鄧艾師潛

鄧艾同子忠入蜀時所建

建炎則吳璘力

竭米倉山吳璘屯

壘殘荒艸之煙橋載古車之轍其貢花木

山文

所厥產紫泥

出紫泥山漢封璽書用之

散關霄躋

在階城東二百里秦稱四塞此居一

玉壘雲

齊在文縣入蜀要路

爾其羌髮殊種息喙亂穴海圖拆波瀟舊繡移曲

折山外爲狗西番時入城買雜色故衣裂而被體已爲華飾

文身被髮已自鉗鑿齒雕題而

相悅僻野階文山乘標榻秦鞏南界乃安我輻

由鞏之西和入秦川界始出隄

汧渭來巖岫縮則有祁山遺堵

山前原隰開廣爲武侯屯兵處

街亭敗鏃故壘

滅景於驕陽

武侯軍壘每六月六日四面無影

悲風銜恨於馬謖鹽官

鎮涌井名

天產是煎

鎮最饒溢有鹽井方廣丈許居人煮此爲業

沾溉六縣

一井爲六縣分轄

衣倉百

塵彼篋貨其有幾已煙雲之相連天水故郡

今秦州

嬴氏開先囂

述據弓騰躍符姚尋已戈鋌爾其鐵堂古峽

美維所居

雲下良田

隴西

有耕天村其

雷峯酒孰

雷牛成紀人煉丹雷王山

松花果鮮

梨

最佳

玉鐘匪琢

玉鐘峽有石韞玉成鐘形猶嵌於峽

寶佛何玄

禮縣柏林寺有癩僧

攜黑犬來赴齋眾僧惡之一日僧犬俱死用火化之湧玉佛一尊

當夫開兩大戰三綱龍圖授

義綵石煉皇

伏義卦臺在城外女媧氏生於成紀

苞符早洩於成紀乃光被乎虞

唐地臨下辨烽接邊牆馬思戰鬥士盡慨慷猿臂將軍鬱青霞

之意氣

李廣墓在城外山上墓旁有祠頗能禍福其土

蛾眉少婦晦高臺之流黃

晉寶滔里

在城

若乃指隴山兮大小坂望吳嶽兮十七峯

卽隴山也

川落魚龍

而動彩

川出小隴山有五色魚

月經晦朔已恆融

隴關時有月光輝無缺雖晦朔亦然

難行

人弓竄動聽流水之聲淙載脂爾轄言瞻我旗山寒麥短微風

扇虛伏羌

縣

洵美其樂只且圃草繁乎林藪穀土滿於新畬凭

高頻瞰負郭對閭何室家維億應牧人多魚若夫蔡琰無家舊

廬苑在在伏羌西入胡旣穹帳衾寒歸漢亦鳥雲鬢改傷青冢之長

龜此九外其猶未悔館岷嶓於上邦墊江在洮州衛南境出西傾山過階入文至漢中會

嘉陵岷江出岷州岷峨山過階入文至四川昭化會嘉陵二源皆羣屬岷冢在秦州所出水為西漢至禮名長道至成名鎮家

河至階名犀牛江入漢中畧陽合嘉陵嘉陵江源出漢中鳳縣大散關自兩當而嶽縣而畧陽合西漢水又滙墊江入岷江為

四瀆第一親朱圉山之華蓋洞丹青楮聖燥若編貝目清渭之始流

甫濫觴而未汰渭經朱圉之麓其流甚細爾其接汧隴界岷洮雪山壓頂江

源洩尻印水經與括地細繭絲而牛毛鞏為江漢源牢落首陽

之峻首陽山在渭源縣東渭有三源合流至縣南入隴西經伏羌抵秦州歷卦山之陰至社樹坪出石門經鳳翔寶雞中

閒會納眾流東西千九百里峇巖鳥鼠之高山有鳥名錫有鼠

乃會灃涇過漆沮弓入河在外鼠在內各自生育不相侵害故名鳥鼠同穴乃有崆峒山弭節西傾山入望熙河

則王韶發難枹罕今河州則充國屯糧翁仲巨人所殫壓始皇弓守臨洮

暴秦蒙氏所披猖也秦築長城起自臨洮地通佛藏俗事胡僧二觀九寺

充奉祇林洮中佛寺甚多俱喇嘛僧住持髻兒戲馬番女剪燈接霜垣之舊署

多勝國之越吟試館為明察院署題詠甚多亦復拊髀壯猛戛響哀沈噴絕

塞干戈之氣寫孤臣危苦之心嶽麓山清峙超然書院名椒山先生貶狄道

時講學處峻嶒會遠勢於眼底試朱闌之一凭忠愍敢諫鄒張代興

椒山祠巨鄒應龍張萬紀王同龍場之遠竄高門風於李膺爾

其惡藏堡名與番為界西窺洮流北抱日白沙黃天荒地老甘雨流根

萬物回槁摩雲嶺鬱葱風土光藻屹矣皋蘭山富雄京鎬山環

城延袤二十餘里其下可昔嫖姚之破虜此喋血而霑神病塞

於山下遂乃梯航直接幽荒迅掃來渠接之織皮賤淮徐之織

編刀布質劑通泉溢寶崇埔潛沍襟帶山河城西門瀕洞霆門

自天洩波

河下東北達寧夏其上溯昆侖揆星宿不知幾千里元世祖遣都實廳之云源在土番朶甘思西鄙泉百

餘泓或潦水沮如散渙方可七八十里泥濘不勝人跡近觀朶克履高山下視燦若日星已故名火燉腦兒譯言星宿海也學

士潘昂霄

浮梁架已跌宕繩索紛其錯摩

州城外已巨艦數十聯布水而為橋河流

浩瀚隨波動搖

臥成蟠煉銜若龜鼉洪湯數里安流澹沱星槎容與扣

舷朗歌覩周垣之鱗次關紫漠已窈窕披豁沓而北迤車隱隱

其塞杪

逾河即接長城至沙井堡更出長城外二十里

沙山連而骨白羌笛哀已天宵

見黃河之散漫傷獨立而竟悄沙井之墟雲漠漠火馘之山日

杲杲

山縣互數百里四望焦枯不生草木

生意無權輿百卉就誅蕪俄焉焦土盡

銀流傾圜餘嘉蔭野富秣稔

近紅城堡三四里接莊浪河尾銀濤滾滾種植蕃滋

引清湍

而蓋瓦激水噎已飛泓

臨渠結屋中置水磨隨波激轉

萬物所悅庶艸滋榮則

有番釐童皓高駝象蹲

平番產囊駝牛牛鬣乘番人牧放雪山中

睽目冠頭怒肉

突筋詭狀蹒跚已蹙躩豐毛絳縹已繽紛王會已至百獸逸奔

宵貌篲筓已如意雪厓馴畜已爲豚

番男婦俱不衣褲靴指搗枚放厥狀唯吁

鸞花茁兮秋雲高茶陌黃兮盛夏末

七月初茶花始放霜又旋至

惟玄冥已

司命疑夏官之常缺馬牙

山

霏零身梢

密

風刮羲馭無溫窳陰

侶鍛踰古浪

縣

入武威

縣

渾邪右地居延北扉

涼州本匈奴渾邪王右地漢元

狩中霍去病公孫敖過

居延澤擊敗之降其眾

天梯

山

前列沙河後隨黯河梁之蘇李

蘇武牧羝

處在鎮番摻執手已淚揮原夫瓜州裔土允姓淪湮

燉煌古瓜州春秋傳

允姓之姦居於瓜州

周襄淪陷漢武始闢緊大荒之攸奠仍疆錯之維昉故夫三危

卽敘流沙入臣戎兵弗詰犬羊肆猖一自犁庭埽穴疆廓威申

五郡天末

金城武威張掖酒泉燉煌爲河西五郡

胡鹵清塵雖輪臺之詒悔亦萬

世而一辰爾其連山對出華譯分畛混沙磔已躡駁給牛種已

遙管崑崙蹴踔膠轄嶙峋亂水激汨而尋壑平沙蕩瀟而爲津

自武威曰西田土沙磧相開落落古木散布遙天又山泉橫溢平地成津隔塞垣曰橫脊列胡騎之

雲屯

與蒙古爲限者祇一垣牛羊穹帳一望見

陰風怒咥遙山晝氛恣凭眺乎五

涼接流軫於鸞鳥

今永昌縣

涂容九軌門建高旆則有邊艸茫茫墟

煙絕少長天仰已不舒明月縣而空皎悲一將之成功經原野

之幾飽

永泉堡至峽口平原廣野爲明張勇及其部將王進寶平定諸羌處

駭地輪之激轉睇陰

峯之虧蔽怪石齟斷牢關險曠

峽口山勢忽束仄僅容軌乃甘肅通衢之最險者

塞堞

竄而無所置壯厥趾於山之陡過峽始寬墮地乃走

塞垣縣接其直如弦

至此陡上高山

目大道已如弦落刪丹

今山丹

於馬首黑河涌前

數里始復平地在甘州城西千山積

雪消融諸流交灌

弱水經右卽山丹河有碑刻大禹導弱水處

爾其祁連壁

絕天山鬱巖三伏之炎蒸不到太古之封雪未消

祁連山在肅州南縣互干

里漫山

斯則張掖之為郡也

今為縣

月氏故國元魏分徵入燕支

山之翠黛

色如煙脂

貢于闐之玉璫

國接葱嶺

烏孫豸窟陽關

過土番界在都鄉河

西之遠招伊曲流聲於樂府

伊吾今哈密

花門

通回紇

射月於秋颿朱柰

夏實父瓜野饒

哈密地出美瓜其大者如斛小者名回回甜瓜

酒泉燕樂

肅州故酒泉郡也泉在城

東極亭

鹽池煎熬

在鎮夷

菴蓉茂葉枸杞豐坳珊瑚瑪瑙安榴蒲

萄玉門生入之客

玉門關在肅州西九百餘里

燉煌

今瓜沙

遠戍之鏹莫不望

牙旗而神戰臨瀚海已竟銷肅土維磧山泉灌沍築壩引流民

用得會赤斤罕東界連萬國

赤斤蒙古衛嘉峪關西二百餘里罕東左衛即沙州哈密衛又在罕

東左衛之西凡西域諸夷入貢者皆取道哈密哈密實控制西域

族附近西寧衛歲納茶馬

若千匹皆番夷之內屬者雜種蔓生不可殫劾關隘固孤紅山

在肅州北羣

烽埃傳察黑

墩名亦番族

兩乃辭合黎之譽翠

合黎山在甘州

番必聚之處

城駕仙隄

山丹勝地

之彩衢崑崙窳窳取徑特迂隸河西而南列入

湟中已境殊

自莊浪岐而南三百餘里入西寧府古曰湟中

深崖大壑竒窳關闊尺天

寸地釐疆析圖

涼湟二郡南北相對而千山隔絕中雜番夷警息不通

厥土赤埴川澤孔

訐由萬山入百三

十里至大通河

遂通古鄯

後魏爲鄯州

至於樂都今碾伯縣凌連雲之

巉石俛駭峽之驚渦

府東三十里爲小峽口下流西寧河驚濤拍崖

龍支湟地要害兩壁

嵯峨漢緣隈已置道唐設閣已橫戈

廢今怪崑屹距人立誰何叱

颿驅颿曰風之婆

小石峽半山有風婆崑每大風禱之則息

遂乃抵西平卽西寧之鉅

麗凭龍居

寨名

之詰屈懸介中華三邊腥羯神爵困弊夫先零趙充

國屯田

永嘉淪陷於禿髮

禿髮虜孤

伺閒不常蹈瑕已發海寇番狗

蠹居碁列爾其覆袁

山峇峇隋煬執醜虜之不庭

征吐谷渾時所經積

石山峩峩唐將觀河源之所出

李靖侯君集師出鄯州行空虛之地三千里過星宿觀河源焉

紅崖

在府城東八十里

翕翫曰巘巘青海

海方九百餘里一名卑末在府西南五百里

淳泓

而蕩激

日月出沒乎昆侖湟水

邈水

朝宗於河伯東南巘巘西

北湍漭

自河曰西東南轉高西北轉下

按流峙於方位與扶輿而反易固絕徼

之倣詭嗟難得而縷緝若其三駕註浪北荒遠步

由平番出真塞走東北

宰乖割雲山錯迕惟毳帳之馬牛無羈勒而來去寸蔬半菽近

縣徵調凍鼓殘旂空營屯戍

塞外無居民墩堡中戍卒數人耳其米菽皆致自百里外

夜參

半日斗橫馬悲鳴而達曙觸霜晨之慘裂仰松山之龍葱徂徠

分秀挺特隆冬一洗不毛之心獨奮後凋之容

塞外山皆不毛惟松山翠色連

天松外亦無雜木

迺有豺狼驚竄狐鼠縱橫土藏淡味日射霜晶

井一眼

帶水同鹽汁而得之甚難三口程始至長流水

圍無芻而柑秣隸乏水已空冰

疑同謂水箆蓋

漲天黃雪

沙之別名

驀地滄溟

過沙山紫沙侶海

飄風疾至迎沙蹙紋忽黃

流之滾滾破幽荒之沌渾

下沙坡黃河環繞入中衛境

遂乃網魴鯉飛鷄鵲

理篙楫浮陵蘄河決塞垣而東注人歸紫漠目煙暝觀中華之

氣色若蓄眼而未曾

入中衛閭門頓覺水木清華

彼夫河之爲瀆也害鍾豫

徐利溥寧夏

府

千渠所興百穀用播自唐漢已規營代經綸而

貼妥迨荒治於我

朝暘農功而極夥舉插則銀漲齊來決口則洪波夜墮旱澇匪

天蓄縮自我

寧夏郡引河爲利史記河渠書已言之由中衛抵府四百餘里諸流交滙共最大者爲唐來漢延大

清惠農等渠每四月開水澆灌自下而上官爲封禁

故夫川禽薦鱗鯨水蟲滋蛤蠃游鯈

戲泳於菰蒲土澤揚華於蔬蕪旣佃且漁充而頤朶浮金波之

彩橋泛澄江之畫舸水殿翠華楹青瑣

唐漢兩渠始自元董文用郭守敬架橋構

宇遂成奇觀今大清惠農二渠尤極壯麗

綠楊紅柏經秋阿娜綺旌繡陌刻鏤逾麗

於江南珠履影纓衣冠欲步乎江左

寧夏有塞北江南之名明徒齊晉燕趙周楚之民曰

實之而吳越居多故文物彬彬盛矣

豔豐鎬與鄠杜曾何足已侈哆地嶮土斥實

產名鹽紅柳池

池鳥白池

厥號微纖因風而割有日曰炎非煮海

而井出故味佳而值廉

府南踰河爲鹽靈二州其池不一而鳥白池最著又有花馬紅柳鍋底三池州

城南北三十里各有池其產不多在三山兒者曰大鹽池在故鹽城西北者曰小鹽池大抵不勞人力因風自生殆天產曰資

我邊屏賀蘭

山在府城西北六十里

之險削擁朔方之翠嵐

寧夏古朔方地

思昔

曩書拒命英物超凡改文於漢易民而黔敢外百萬衽革觸銛

元昊小字彘野李繼遷之裔世據朔方曰宋寶元元年稱皇帝共奉表於宋有曰制小番之文字改大漢之衣冠

同屈

子之武烈

赫連勃勃字屈子曰晉義熙十四年僭號于朔方外諡武烈皇帝

作西宿之白虺詐

十二而始普已炎宋之將燿慨夫明葉之中衰也邊事孔棘虜

塵易揚父堅而陸河泮已航套中甌脫臥榻棄芻

嘉靖間北虜據河套每鼓

流浮河西渡冬寒欠合
堦若通術莫之能過

降虜無自而倉力坐甲始困於裹糧兵

增費益調遣頻繁遂乃蹂躪朝那

今平涼

縣延慶環

慶陽府環縣

設險

而與共明者曰爲患爾其投石越距良家技擊旌旗掩日天子

上單于之臺

漢武至朔方臨北河勒兵十八萬遣使告單于

成旅提女少帝受齋宮之

冊肅宗卽位靈武卽今靈州

彼雪恥於百王允神武而無敵

太宗絕婚薛延陀既而其衆俱

請降置吏上大喜納之爲詩曰雪恥
酬百王降凶報千古勒石於靈州

所曰家善穿揚人思波拾

厲霜刺曰斬堅聽豐原曰鳴鏑跨青驄騎黃褶積甲蔽青銅

峽

之隈張幟奪蠡山之色

山之蒼翠如染

材官致朱輪劔客夸白哲猛士

傳觀曰六鈞漁陽受辱於巾幗則有蘆花卷白霜鴈驚翰濱渠

口之總滙遇大波之漩還萬馬齊下銜波不喧侶神龍之繞塞

揚尾頰而屈蟠截流而亂休樹解鞍

自渠口渡河而南河流甚廣而無濤洶洶涌之象其

下流卽人接鳥氏之故墟按義渠之舊壤自有城爲昆夷臣任套處也

好而來享秦昭拓肆其北封遂邊胡而旤昉河南爲古義渠鳥戎秦穆霸時涇上

鳥氏皆朝秦卽此昭王滅之而匈奴興知先王之馭戎不究武而用攘逐太原固今

原鎮是而城方洵籌邊之最上蕭關北郡塞界漢躔白登進砌安

定今爲縣退完警胡颯之獵獵薄虜馬之嘽嘽跳踉鮮卑蹂躪吐

番塵沙晝掩夔夔夜燔息百年之征戰仍生齒之凋殘始皇盡河立河

南郡爲塞漢高白登被圍與匈奴和乃徙塞安定而平涼遂邊匈奴右方孝武築朔方始繕蒙恬故跡然歷代陷復不常套內

數百里間荒涼同於塞外創固原州之雄鎮峻城隍而言言數紛綸於塊壤

照曩古曰若炬密侵阮曰徂共秦臨湫而詛楚涇州商周阮共之地靈臺古密

國秦圖楚爲文過安西之行都元所置見開城今爲之巨礎空

詛楚投朝那湫同山問道之宮在平涼府西二十餘里山上有宮殿王母山留觴之渚卽儀山也山下有大

同山問道之宮

池卽穆天子傳之瑤池亦作淫池淫大也望華尖山其下爲華亭縣盼都盧山而延

佇金佛峽回峯彈箏峽拂雨爲川二十而有羸厥泉數百而可

舉會竿頭山之始波待屬納於神禹金佛彈箏二峽在瓦亭山東二十里其水皆入涇涇

水出平涼府城西南七十里竿頭山下有百泉流爲涇納木出

華亭縣城東三里有二源北源出小隴山馬峽南源出隴山仙

姑峪東繞涇州浩蕩其王之娛游漫潤西涼之番插搏鬻難渠

過回山屬於涇涇陽渠利最廣涇州則距源未遠而介高山淺狹湍迅烝徒堪捐高山山名爲涇洎分水之原觀其

發源豪彘見山海經紀於荒牒爾其割安國耀武之鎮後唐呂二鎮爲平涼縣

騰臨涇行渭之囂漢爲臨涇唐爲行渭可藍山小隴山左絡右包引邠岐

之繡野卽芮鞠之神皋於錦京爲賓服距東洛則荒要覽大戎

之故版卽今平涼西山後諸縣也王居錦京在千五百里內故穆王召賓享責之歎姬室之腥臊去

陰密文王所伐其伊邇何我陵之不勞慨涇原之空署遠鄭滑而仰

漕唐置涇原節度使原州已陷給呂鄭滑之賦

蓋兵馬芻牧之繁會兼雍涼朔并之

蕭騷山高地冷霜巖雪脩在其板屋同我土窳

窳同

羊麥經寒而

平補身頭不熱於府焦總兩載之行役遍秦疆之遘迢攷自車

鄰駟馱厥風騰趨勢招八州雄吞邊徼其民忠信而質實其俗

強武而桀鷲善導則起化鼓鐘猛驅則同仇慰勞耕牧致富疆

山林供聚嘯獷野偪居攘竊劫剽閒廣谷與大川更土風之殊

調御輪或雜乎凶裝

秦俗嫁娶往來白衣冠者甚衆

勢面自同乎夷獠

近邊諸郡從幼

自葵其面三花

五花曰相誇耀非栝非罌載載咲竝撲甕曰取酌各飭筒而

爲酌

燕會則曰糟糲團入甕用湯水漬之其近

滓者爲酒各將竹筒吸曰取飲曰次而徧嬉竹馬於高簷

混鷄犬曰競叫

土房板房不一男婦鷄犬通行其上

臨風月之佳辰轉悲思而痛

悼邊郡凡天中及中秋諸佳節則望遠悲

因山別燠寒視水爲

懃當起自征戍之家後遂相沿爲俗耳

肥磽食懼鮮韜先貪冒外懲疆事之驛騷內折姦民之橫暴
聖朝安已兼攘富而後教陸海溢花馬之鹽屯田廢丹水之漕
商州丹水
米曰通漕奚止都都相屬邑邑相眺國藉十世之基家承百年
之造農服乎田疇士升乎序校袍澤堅小戎之心閭閻諷

天子之詔走萬里不持糧剪不軌無遺噍懷乳有哇哇之童扶

杖集番番之髦簾齋橐負則商旅讓於涂乘堅驅良則男女避

其導言傳號渙所至捷風雷色授意喻三軍咸舞蹈兼之天心

申其景命五穀豐於雨暘窮陰沍寒雪姐久井之結疑扇之已

和氣天山之雪生姐
太乙有久井童山涸澤乾溝火谷之焦灼流之已醴漿

及夫喬嶽拱彌河宗滄潢百靈攸奠罔不降穰有感必應厥類

維彰神人既已和民物既已昌

聖心猶復保之若未視已如傷帑金充溢獨爾輸將何生弗遂

奚利不汪實灌注乎里開盜勞頓夫斧折是時策妄尙未用命大軍供億發帑金億

計未嘗獲豪累民若臣者寓目於玄灞素漣之境馳驟於炎風朔雪之

鄉聽奇鐘之雄雌肅州城西北隅救生寺有鐘樓傳此鐘乃沙州所鑄有雌有雄肅州為雌沙州沙壅者為

雄野外軍戍常聞此鐘上半月有聲去沙州下半月有聲來肅州掠神身之鵲鵲觀雲海之疊

絮太白分天嶺觀雲海處測葱嶺之混茫出人戎落轉側舟馳

親見夫拱手者闕人荒而無閔歷德者涕橫流而滿眶已縱游

三五之至治非徒章思古之回腸敢笙簧乎六籍盜先民之稗

穠長侍坐於君子曠雅化之宜賜賦既脫稿弁自注合一萬五

千六百四十許字賅洽閑淡上揜潘岳交河王侍郎蘭生曰千

餘年來鉅製也祖惠意猶欲然再三更正不輕示人其詩亦各

體禮稱五律尤高渾峭拔逼真唐音年四十一而儂游已帖括
授徒鄉里潛心理學厭薄詞章先時稿本棄之敝簏與並世名
流絕不通問並世名流亦鮮或偁道之或曰意有所緣淡自
韜晦也登第後爲四書講義自負理學正宗復不爲時論所重
已故祖惠畢生無詞章名亦無理學名及卒平望賈人子有獲
其賦呻者先君子借觀而善之鈔存一卷其高弟子王元文蒐
輯遺詩獲三秦游艸四卷洞庭游艸一卷拾存艸二卷經進艸
一卷謀付梓不果越六十餘年落破書灘余獲之合編爲虹舟
集九卷世間無第二本終亦必亡欲付梓非力所及姑舍詩爲
之立傳而載其賦傳者傳也余文未必傳卽祖惠之賦仍未必
傳枉費紙墨百於虛天之生才不易人之憐才亦不易自古而

然詎唯祖惠也哉

臧和貴別傳

臧和貴名禮堂以字行江南武進人高祖琳治經精兩漢學卽世所稱玉林先生者也父繼宏有隱德和貴爲人肫摯不苟言笑事親孝臨財廉非其義一介不取居父喪三日不食三年不入內笑不見齒母病割股肉瘳之兄庸博學有聲師事盧學士文昭學士稱庸校書天下第一和貴師事庸庸之楚和貴師事錢官詹大而業益進所與游皆東南知名士時段大令玉裁丁廣文杰孫觀察星衍皆宿學負重望不輕許可顧交口善和貴名亞庸謂之二臧云阮撫部元爲經籍纂詁聘庸總校和貴與焉後撫部校勘十三經再延和貴以母老辭逾年邢大令澍復

以校經聘留三月遇疾歸疾且革語季弟岷曰柰母何遂死時
嘉慶乙丑歲也年三十無子庸在京師間而哭之哀私諡之曰
孝節先生和貴善著書慕古孝子孝女孝婦事作孝傳百三十
卷又纂尙書集解案六卷三禮注校字六卷春秋注疏校正六
卷補嚴氏蔚左傳賈服注三卷說文解字經考十三卷南宋石
經考二卷增訂孫氏星衍倉頡篇三卷重編說文繫傳十五卷
通俗文一卷輯臧榮緒晉書二卷鄭氏義門傳志二卷先考遺
事一卷拜經堂書目四卷愛日居筆記六卷

嚴可均曰以和貴之孝行卓卓矣而未永其年惜哉然著述等
身聲施藝苑亦吾黨之榮也彼歿世而名不稱者可勝慨哉

後漢秦嘉妻徐淑傳

孫淵翁爲續古文苑有寡婦淑誓書一首不得時代列入晉文
余攷寡婦淑者秦嘉妻徐淑也嘉字士會後漢桓帝時人官黃
門郎續苑旣刊行不煩改正故作秦嘉妻傳其文字多拾成言
可補范書列女傳之闕

隴西秦嘉妻者同郡徐氏女也名淑有才章適嘉嘉仕郡淑居
下縣有疾嘉舉上計掾將行以車迎淑爲別而與淑書曰不能
養志當給郡使隨俗順時僮俛當去知所苦故爾未有瘳損想
念悒悒勞心無已當涉遠路趨走風塵非志所慕慘慘少樂又
計往還將彌時節念發同怨意有遲遲欲暫相見有所屬託今
遣車往想必自力淑荅書曰知屈珪璋應奉藏使策名王府觀

國之光雖失高素皓然之業亦是仲尼執鞭之操也自初承問
心願東還迫疾惟宜抱歉而已日月已盡行有伴例想嚴莊已
辨發邁在近誰謂宋遠企予望之室邇人遐我勞如何淡谷透
迤而君是涉高山巖巖而君是越斯亦難矣長路悠悠而君是
踐冰霜慘烈而君是履身非形影何得動而輒俱體非比目何
得同而不離於是詠萱草之喻以消兩家之思割今者之恨以
待將來之歡今適樂土優游京邑觀王都之壯麗察天下之珍
妙得無目玩意移往而不能出耶嘉重報淑書曰車還空反甚
失所望兼敘遠別悵悵之情願有悵然閒得此鏡既明且好形
觀文彩世所希有意甚愛之故以相與

以上嘉與淑書淑答嘉書嘉重報淑書並見蘇

文類聚三十二以下據羣書引見彙錄之

并致龍虎組緹履一緉寶釵一雙價值千

金好香四種各一斤素琴一張常所自彈也明鏡可以鑿形寶

釵可以耀首好香可以去穢麝香可以辟惡氣素琴可以娛目

蘇文類聚三十二北堂書鈔一百三十六引兩條御覽六
百九十七七百十七七百十八又九百八十一引兩條淑又

報嘉書曰既惠音令兼賜諸物厚願殷勤出於非望鏡有文彩

之麗釵有殊異之觀芳香既珍素琴益好

文選嵇康贈秀才惠
入軍詩注作又好

異物於鄙陋割所珍以相賜非豐恩之厚孰有若斯覽鏡執釵

情想髮髻操琴詠詩思心成結勅以芳香馥身喻以明鏡鑿形

此言過矣未獲我心也昔詩人有飛蓬之感班婕妤有誰榮之

歎蘇文類聚
三十二今君征未旋鏡將何施明鏡鑿形當待君至

御覽
七百

七未奉光儀則寶釵不列也未侍幃帳則芳香不發也

蘇文類
聚三十

二御覽七百十今奉越布手巾二枚細布鞵一量嚴器中物幾

具旄牛尾拂一枚可以拂塵垢金錯盃一枚可以盛書水琉璃

盃一枚可以服藥酒

載文類聚七十三北堂書鈔一百三十六御覽六百九十七七百三十七百十六七百

十七百六十

嘉遂行入洛尋除黃門郎居數年病卒于津鄉亭初淑

生一女無子及嘉奉使淑乞子而養之尋守寡時猶豐少兄弟將嫁之誓而不許爲書與兄弟曰蓋聞君子導人以德矯俗以禮是以列士有不移之志貞女無迴二之行淑雖婦人竊慕殺身成義死而後已夙遭禍罰喪其所天男弱未冠女幼未笄是以匍匐求生將欲長育二子上承祖宗之嗣下繼祖禰之禮然後覲于黃泉永無慙色仁兄德弟旣不能厲高節於弱志發明明於闇昧許我他人逼我干上乃命官人訟之簡書夫智者不可惡以事仁者不可脅以死晏嬰不以白刃臨頸改正直之詞

梁寡不以毀形之痛忘執節之義高山景行豈不思齊計兄弟不能匡我以道博我以文雖曰既學吾謂之未也

御覽四百四十一引杜預

女 淑竟毀形不嫁哀慟傷生

劉知幾史通

亡後子還所生朝廷通儒

移其鄉邑錄淑所養子還繼秦氏之祀

通典六十九晉咸和五年散騎侍郎賀喬妻于

氏上表可均按于氏表云還繼秦氏之祀下云異姓尚不爲嫌是淑所養子異姓子也

淑所著詩文有集

一卷

隋志梁有婦人後漢黃門郎秦嘉妻徐淑集一卷亡唐志不著錄嘉字士會見北堂書鈔原本一百三十六組履注

黃節婦謝氏戴氏傳

建德黃勝友與余善于其病篤也遺命其猶子鶴詩及子鶴秀曰我母戴我祖母謝皆守節撫孤今我諸黃羣從不墜家聲兩孺人力也校官嚴君能古文宜請爲家傳以附邑乘越歲二子以事狀來謁不敢以不文辭節婦謝建德之南鄉人歸同里黃

君延生子禹錫而君延歿謝年十九節婦戴山陰縣之安邑人歸禹錫爲繼室生子金友義友勝友而禹錫歿戴年二十九當謝之初寡也上奉寡姑下撫孤兒家赤貧不保旦夕其鄰王文昌者君延友也初文昌妻與謝同時娠指腹約婚及禹錫生三歲文昌女亦三歲而謝寡文昌抱其女付謝爲謝媵當外事謝勤苦善持家漸小康寡姑歿居喪如禮禹錫長合婚如禮生孫在中年二十一與其母王相繼歿謝爲之續娶卽節婦戴也戴之歸禹錫也謝年六十四喪孫憂不祀戴聯舉三男門庭喜慶而禹錫病不起戴寡居勤苦善持家似其姑事姑能先意承志催耕課讀益大其家謝年八十三而卒戴年七十六而卒三男皆成立有聲鄉校嘉慶十八年校官錢秉鈞以兩節婦事申請

題旌奉

旨建坊今其後裔無白丁恂恂孝友而王文昌子姓與黃嫺好
歷數世百餘年如舊焉

嚴可均曰劉向作列女傳史家因之代有撰錄皆取才章名世
奇節非常或乃薄命化離亂亡播越則雖文姬重嫁亦立佳傳
蓋列女不必皆烈女也余以謂女子賢行貞孝節烈四德同科
而節爲大未亡人性命鴻毛耳以是藐茲孤宐延殘喘然而衰
門難振撫孤能成立者百不一三嚮使程嬰杵臼與趙孤同斃
或趙孤先斃後世誰復知之幸而成立是有福命焉於虐難矣
節婦謝節婦戴苦行相繼七十年其後浸昌亦其福命有以回
天也彼無孤可撫撫孤不成立者可勝慨哉

重建湖州永福寺碑

永福寺在湖州城青銅門外之西偏舊名永欣寺宋大觀中崇安薛嗣昌爲鐵門限跋尾云智永禪師寫真草千文江南諸寺各施一本住吳興永欣寺求書者如市所居戶限用鐵葉裹之人謂之鐵門限據此則永欣寺隋以前搆建至宋未改名其以欣爲福不知始何時明季以來爲比丘尼所居破瓦礫垣香火歇絕乾隆五十三年邑子潘加慶等迎浮屠智行住持數載重建大壑素佛像發願恢閣中涂圓寂其徒鎮興能闢三寶締萬緣遂建大悲閣地藏壁及禪堂方丈外爲山門左右爲樓房南爲萬骨塔院北爲涼亭東爲迎禧橋經營者廿餘載次第落成寺舊多文石邑子陳豐爲召巧工重加黏疊嵌空玲瓏種柏蒔

花可游觀懸坐今鎮興年將老矣而其徒皆守清規傳戒律蔚
然爲叢林焉余因思湖郡名僧智永後首數皎然居城南之妙
喜寺刺史顏魯公于此修韻海鏡源三百六十卷其書不傳而
皎然詩集具存然問所謂妙喜寺者但見荒烟蔓艸焉耳而永
福寺去智永一千餘年煥焉復新規模闕敞視妙喜不侔矣微
智行與鎮興繼世功行詎能及此彼法有人宜乎興且盛也夫
興廢若循環盛衰相倚伏新新不已存乎其人願其徒終勉之
益擴而大之也

金培英表墓銘

嘉慶癸亥歲余主講廣東香山縣書院而金君以廣西臨桂縣知縣調任香山明年夏余入都又十二年拜君墓君第四子德恩故余在廣東時學徒也恻然請曰我師知我父稔乞爲墓表不敢以不文辭君名毓奇字培英號問艇又號問庭江蘇上元人祖維柱國子監生父又馨貢生君年十八爲縣學生旋食餼乾隆己酉歲拔貢

廷試第一以知縣試用分發廣西到省七日權知河池州所屬南丹土州多積案君一日決獄三十老吏驚爲神又權宜山平南等縣又權陸川縣兼知鬱林州丁母憂奔喪過長沙值苗民亂大將軍福公康安留佐軍務服闋權湖南清泉縣苗平保舉

直隸州知州格于部議仍還廣西權興安縣修築埧河閘門又
權知賓州題補臨桂縣知縣縣民廖祖恩叔毆其父幾斃祖恩
救之誤傷叔前知縣擬以大辟君引救父情切例得從輕百總
曾勝邦外委王錫從軍湖北病亟告歸鎮將欲治以逃兵律君
雪其冤得免尋調知廣東香山縣縣瀕海巨盜充斥君募壯丁
增巡舩偵其巢穴多所捕獲楊蒙九者盜魁也生擒之及其黨
百餘人百總羅明亮素通盜白大吏誅之縣境獲安會廣西武
緣案重平反承審者按察使及君等五人皆遣戍伊犁伊犁將
軍今大學士松公筠夙知君能奏辦塔爾巴哈台漢文事件又
以塔台倉廩未修奏請監之成滿釋選籍而松公遷督江南請
掌書記尋移督兩廣君偕行逾嶺不三月病卒時嘉慶辛未歲

六月十九日也春秋六十有一明年歸葬江寧太平門外祖塋
之東偏娶王氏續娶蔣氏吳氏子五德忻廣東新會縣丞德桂
德森德恩縣學生德盜尙幼孫六之豫之泰之升之晉之恆之
履君面紫黑體肥善爲駢儷文書法在顏趙間薄以自奉厚以
及物視從子如己子宗族親戚交游待以舉火者甚多居恆無
厲色無情容嘗誡其子德忻曰居一日官盡一日心勿以官卑
而弛其心勿以盡心而矜其功於厚君之居官可知矣銘曰
君才之豐何遇之寵昭名萬里而綰綬半通或其食報也于其
子孫不于其躬

おせい

魚村

十一

鐵橋漫稿七

文類五

四録堂類集

徳元世無井三多のりやのき

鐵橋漫稿八

文類六

四錄堂類集

烏程嚴可均景文謨

書尙書顧命後

嘉慶戊寅金陵倪秀才灑字小迂得古兵器似戈而重大倍之無胡有穿孔下上通所以入柄穿外有文曰一轉而曰皆象形目字小迂問此兵器何名余不能對沈思之曉然悟曰兩目合文爲眊此顧命下篇所云一人冕執瞿者也瞿卽眊之假借正義引鄭注云蓋今三鋒矛蓋者疑詞非由目驗瞿戈屬非矛屬戈平頭戟也戟有枝兵也瞿平頭而孔傳以爲戟屬亦非也

書公羊疏後

公羊疏無譌人名崇文總目或云徐彥郡齋讀書志引李獻民

說同不知何據卽徐彥亦不知何代人東晉有徐彥與徐眾同時見通典九十五又九十九有武昌太守徐彥與征西桓溫歲而疏中引及劉宋庾蔚之則非東晉人今世皆云唐徐彥尤無所據蓋涉徐彥伯而訛耳疏先設問答與蔡邕月令章句相似唐疏無此體例所引書百三十許種最晚者郭璞庾蔚之餘皆先秦漢魏開卷疏司空掾云若今三府掾是也齊梁陳隋唐無此官制惟北齊有之則此疏北齊人譔也隋志有失名疏十二卷唐不著錄北宋復出以卷太大分爲三十卷又分爲二十八卷卽今本也

書爾雅新義後

爾雅新義二十卷宋陸佃農師譔農師有陶山集詩文及格鵲

冠子注亦簡貴唯引字解二而小者示也可嗟埤雅駁雜尙堪
節取獨爾雅新義率本字說再加穿鑿幻境重重至不可思議
陳振孫詆爲翫物喪志余謂五行志有詩妖新義蓋經妖也其
書玉海引中興書目元修宋藝文志明焦竑盛皆著錄後乃
若存若亡乾隆五十年吾鄉丁小山得影宋本于京師是時
四庫館告竣不復收錄然亦不當收錄孫詒穀攜歸武林落吳
山書肆嘉慶十三年陸香圃刻板于蕭山至道光九年以印本
見詒搖筆書後香圃見之將怒我矣

書史記伯夷列傳後

許由事見莊子讓王篇史遷以夷齊讓國故追述之而虞夏書
無文在疑信間迂齋說申呂齊許皆四岳後堯讓許由卽其一

也汝能庸命是讓許由之實其說甚精可補今文古文家所未及采薇歌怨歌也而孔子云求仁得仁又何怨又云不念舊惡怨是用希求仁得仁者史遷以爲各從其志是也希之言少每念及此不無餘怨怨亦幾希孔子推見至隱爲此微言近釋乃云人亦不甚怨之人孰怨夷齊哉

書史記仲尼弟子列傳後

孔子弟子七十七人冉氏居其五冉耕字伯牛冉雍字仲弓家語以仲弓爲伯牛之宗族史遷爲弟子傳于父子宗族不著明如曾蒧不云曾參父其例也按論衡自紀篇鯀惡禹聖叟頑舜神伯牛寢疾仲弓潔全顏路庸固回傑超倫如仲任說則伯牛仲弓父子也論衡非短書嚮未舉出

書漢書律歷志後

孟堅因父業爲漢書而入表及天文志未就孝和詔其女弟班昭踵成之見列女傳孝順時馬續又續修見表宏紀經數賢撰定遂爲史學之宗其十志自天文外皆孟堅作也地理精賅振古罕儔禮樂刑法亞焉五行用劉向洪範傳甄文用劉歆七略而食貨郊祀溝洫順續史記史記律書卽兵書兼及于歷故次之以歷書孟堅爲律歷志舍兵而專言鍾律猶之可也專用劉歆之三統歷譜以當太初殆非實錄漢興承秦建亥用秦顛項歷百有二年孝武改朔建寅鄧平司馬遷唐都落下閎等造太初歷煌煌鉅典順孔聖承天之文爲萬世則而行僅百餘年莽移漢祚改用三統十許年而莽誅史法于秦顛項故術略宜編

次至鄧平術臚列周詳未及三統庶爲信史而孟堅未殺續項
術并未殺鄧平術專取三統以充篇是直裣歷志豈漢歷志哉
然且刪節孝武改元詔追改太初歲名與元法復不明著沿革
之由以疑誤後世致令通人如蔡邕亦言太初元用丁丑司馬
彪爲續漢志亦言太初元年始用三統歷移後蒙前而史記歷
書歷術甲子篇到今嘉慶四年而長夜始旦也此烏得不追咎
孟堅哉夫孟堅良史才至矣盡矣蔑以加矣而歷志殆非實錄
所宜愛而知其惡也若夫古以太陰紀年葦用三統始以太歲
紀年余旣爲太初元年甲寅丙子說詳哉乎其言之矣茲不復

贅

書廖刻華陽國志後

前明張佳胤等刻華陽國志皆十卷余所見僅季滄輩照寫宋李至本多出第十之上中兩卷本今歸孫淵如嘉慶甲戌歲廖都轉刻之于金陵字畫精好宛然宋雕其上卷蜀郡士女讚第一後闕巴郡士女讚第二凡五十四人尙非完書其北宋呂大防本未得見之闕否不可知北堂書鈔原本卷百三十九車總載篇引常璩志云郝伯都閩中人爲郡史太守每見之垂泣伯都請白其故太守曰亡男爲人所殺汝身似之故悲感伯都問其讎所在太守曰臺閣不可得也伯都乃交游與甘春卿爲友其伺讎殺之於車府而亡命春卿爲吏所得伯都乃還首二人爭死會赦得免按此卽五十四人之一士女目錄有烈士郝伯都閩中人也九字以爲後漢人嚴可均書于冶城山館

書左思別傳後

世說文學篇注載左思別傳曰思字太沖齊國臨淄人父雍起於筆札多所掌練爲殿中侍御史思蚤喪母雍憐之不甚教其書學及長博覽名文遍閱百家司空張華辟爲祭酒賈謐舉爲祕書郎謐誅歸鄉里專思著述齊王冏請爲記室參軍不起時爲三都賦未成也後數年疾終其三都賦改定至終乃上初作蜀都賦云金馬電發於高岡碧雞振羽而云披鬼彈飛丸以礮礮火井騰光以赫曦今无鬼彈故其賦往往不同思爲人无吏幹而有文才又頗以椒房自矜齊人不重也思造張載問帽蜀事交接亦疎皇甫謐西州高士摯仲治宿儒知名非思倫匹劉淵林衛伯輿竝蚤終皆不爲思賦序注也凡諸注解皆思自爲

欲重其文故假時人名姓也

可均按別傳失實當以晉書爲正思先造齊都賦成復欲賦三都泰始八年妹芳爲修儀因移家京師求爲祕書郎歷咸寧至太康初三都賦成晉書所謂搆思十年者也皇甫謐卒于太康三年而爲賦敘是賦成必在三年已前其後三十餘年屢經刪改至死乃已張載于太康三年始爲著作佐郎思訪嶠蜀事遂刪鬼彈飛丸之語可因別傳推得之然必在賦成後也張華仕魏入晉至惠帝元康六年拜司空思爲司空祭酒容或有之然宐云遷云除何以云辟賈謐本姓韓太康三年爲賈充世孫至惠帝時用事思先爲祕書郎久矣何以云舉且不應十七八年未調蓋先嘗去官亦可因別傳推得之餘則別傳殊失實永康

元年賈謚誅思蓋坐謚黨復去官至太安永興間張方亂京師
舉家適冀州數歲以疾終思實避亂客死而云謚誅歸鄉里非
也皇甫謚高名得其敘譽價十倍摯虞師事皇甫與思同在賈
謚二十四友中何得非思倫匹劉逵元康中尚書郎累遷至侍
中衛權衛貴妃兄子元康初尚書郎兩人卽蚤終何不可爲思
賦敘注況劉衛後進名出皇甫下遠甚何必假其名姓今皇甫
敘劉注蜀吳與張載注魏都俱在文選劉敘衛敘在晉書都非
苟作魏志衛臻傳注云權作思賦敘及注敘粗有文詞至於爲
注了無所發明直爲塵穢紙墨不合傳寫如裴此說權貴游好
名敘不嫌空疎蹟於爲注使思自爲何至塵穢紙墨別傳道聽
塗說無足爲憑晉書彙十人家舊書兼取小說獨棄思別傳不

采斯史識也

書宋本後周書後

右周書蓋宋監本大板厚紙有漫漶損缺處非余所愛重者偶檢賀蘭祥傳其篇末多出今本六十餘字杜杲傳遷溫州下缺八字今本僅刺史賜三字史賜中間蓋有加銜以難臆補輒擠接之全部余未通檢僅檢兩傳而勝處已如此書貴宋元本者非但古色古香閱之爽心豁目也即使爛壞不全魯魚彌望亦仍有絕佳處略讀始能知之道光戊子歲秋八月嚴可均書于武林懋屋

書管子後

七略管子在法家引見史記管晏傳正義隋唐志已下著錄皆

同惟漢志在道家余觀內業篇蓋參同契所自出實是道家餘篇則儒家陰陽家法家名家農家兵家無所不賅今若改入雜家尙爲允當不然寧從漢志其書八十六篇至梁隋時亡謀失正言封禪言昭修身問霸牧民解問乘馬輕重丙輕重庚十篇宋時又亡王言篇文選陸機猛虎行注引江邃文釋云管子曰夫士懷耿介之心不蔭惡木之枝惡木尙能恥之況與惡人同處是江邃在劉宋時尚見亡篇今不但無完書并無舊刻間收藏家有宋蔡潛道殘本未得見之更可惜者明刻道藏原出宋藏往往有與道家無涉而收入道藏因之得存舊本管子可入道家道藏失收遂無藏本前人于漢志豈未寓目者何乃漏落至近人編書目者謂此書多言管子後事蓋後人附益者多矣

不謂然先秦諸子皆門弟子或賓客或子孫撰定不必手著嘉慶辛酉歲季冬之月嚴可均書于烏程之驥林僦廬

書說苑後

漢志說苑二十篇隋志新唐志皆二十卷舊唐志作三十卷誤崇文總目五卷宋志已來皆二十卷盧抱經羣書拾補所載宋本有劉向敘一首余得元本楚藩本程榮本何良俊本無之向敘言凡二十篇七百八十四章今本君道三十八章臣術二十二章建本二十七章立節二十一章貴德二十八章復恩二十四章政理四十一章尊賢三十四章正諫二十五章敬慎三十三章善說二十四章奉使十九章權謀四十四章至公二十一章指武二十五章叢談七十二章雜言五十二章辨物三十一章

修文三十八章反質二十三章凡六百三十九章羣書拾補有
佚文二十四事當是二十四章都計六百六十三章視向敘少
一百二十一章非完書也向所類事與左傳及諸子間或時代
抵牾或一事而兩說三說兼存韓非子亦如此良由所見異詞
所聞異詞所傳聞異詞不必同李斯之法別黑白而定一尊淺
學之徒少所見多所怪謂某事與某書違異某人與某人不相
值生二千載後而欲畫一二千載以前之人事甚非多問闕
疑之意善讀書者豈宜然乎此本楊澐校刻楊澐明季人而有
方孝孺王世貞印記書賈作偽宜刊棄之道光戊子歲秋九月
嚴可均書于富春之雙桂坊館舍

書劉子後

劉子五十五篇北齊劉晝撰余鄉得程榮孫鑛等本間有宋巾
箱本未之見也今得此于吳山書肆是明初崇德書院所刊行
墨陳古閱之豁目爽心可稱善本前有序簡而覈惜不題名劉
子言治國修身之道有大醇無小疵晁公武乃云詞頗俗薄毋
乃輕詆近人編書目者又云九流一篇全襲隋書經籍志之文
隋書非僻書益覆檢之豈其然乎道光戊子歲八月朔嚴可均
書于錢塘寓館

書陳禹謨刻本北堂書鈔後

世咸謂明中葉後刻書無善本是固然矣然未有肆行竄亂若
陳刻書鈔之甚者也書鈔北宋時得本已難明代偶存胥鈔本
訛謬脫落篇鈔完章章鈔完句然而甚誤之中往往有絕佳處

所鈔之書皆三代漢魏迄于宋齊其最晚者沈約宋書蕭方等三十國春秋崔鴻十六國春秋魏收後魏書其詩賦頌則顏謝鮑爲最晚陳隋隻字不鈔鈔者今世亡其本十蓋八九其存者亦流俗寫變殘闕誤謬不爲典要故刻書鈔可略校不能統校陳乃何人臆改之臆刪之以他書易之甚且以貞觀後事及五代十國之書補之是臧易之疾亟當沐以蘭湯者也又有甚不可解者卷百三十九車總載類原本二百四十條陳僅用十七條卷百五十八穴類原本二百三十條陳僅用四十二條卷百六十石類原本百二十九條陳僅用三十三條竊疑陳所據原本視余所據原本闕訛尤甚不然陳雖失心病狂當不至此今陳刻亦漸稀罕收藏家率購以多金倘四大類書之數余嘗任

校刊之役未獲竣功恐原本終將斷種可惜也陳名禹謨字錫
玄號抱中嘗熟人嘉慶乙亥歲冬十月嚴可均書于冶城山館
書北堂書鈔原本後

右北堂書鈔一百六十卷明初寫本未經陳禹謨改竄道光五
年三月錢唐朱竹庵世杰以重價購得之至九年七月三日竹
庵以余嘗留意于此書也者遺書估持贈余與竹庵非素交不
可徒受也償以原值類書大種自修文殿御覽新佚後以書鈔
爲最古其得本最難王伯厚云二館舊闕書鈔惟趙安仁家有
本眞宗命內侍取之手詔褒美是北宋已極罕觀明中葉時常
熟陳莊靖瓚得胥鈔本其裔禹謨改補梓行明人習氣好作聰
明變亂舊章是謂刻書而書亡康熙中錢遵王得本有跋謂繕

寫精妙見讀書敏求記朱錫鬯得大唐類要有跋見曝書亭集
季滄葦得古唐類範見延令書目嘉慶初古唐類範爲吳縣黃
蕘圃所得散片兩包未曾裝冊余屢借觀卷首有季振宜印首
尾有秀水朱氏潛采堂印每卷古唐類範四字俱挖補蓋類範
卽類要類要卽書鈔書估作僞實是書鈔原本也今蕘圃藏書
半歸汪厚齋汪卽益美布商類範歸汪與否余未知之陽湖孫
淵如得書鈔卷首有雲章閣及紉佩齋收藏印不知何許人也
淵如作跋尾別紙夾置卷首其書中用丹筆改字者王石華也
卷首用墨筆錄錫鬯類要跋者亦石華也書中校語用墨筆者
余與洪筠軒也已巳春吳山尊去官南下見是書求得副本余
時寓淵如所倩二十人竭二十日力照寫付之聊且竣事錯誤

增多道光乙酉春常熟張月霄得本甲乙至壬癸十鉅冊余未見之錢唐汪小米得本余亦未見今余得竹庵藏本其卷七有丹筆采余校語一條余校語在淵如藏本竹庵何因得見淵如棄世金陵祠屋藏書間頗散失蓋其本展轉入錢唐矣欲訪竹庵問之然亦何必問之淵如嘗語余云物聚必散得古書畫不過加收藏名印耳此達觀之言也統計千年來書鈔在若存若亡之際就余間見江浙間實有五本藝圃一淵如一月霄一小米一余一後之有心人據余言而蒐訪之不至斷種書鈔譔于隋時故隋志已著錄作一百七十四卷唐志作一百七十三卷晁公武讀書志同中興書目及宋志竝一百六十卷與今本同蓋殘闕矣今本起帝王部帝王總載類迄地部石類凡十九部

八百五十二類而公武云八十部八百一類又云家本百二十
卷抵牾如此因知宋世絕無善本故未能刻板以至前明偶存
寫本刪割屢迭脫謬俱倒篇抄完章章抄完句世間難校之書
此爲第一嘉慶中淵如約王伯申略校伯申約錢旣勤同校僅
二十許葉而輟業胡硯農助刻貲二百金云將續寄四百金淵
如屬余校刻余竭八九月之力校刻卷百三十二起至卷百六
十止硯農刻貲杳不續寄余遂輟業是時漢魏晉佚書輯本及
章鳳枝佚書輯本彙聚淵如所者不下七八百種假余兩年之
力庶可藏事而限于齋芥未獲竣功今余老且病諸輯本皆不
在手難復爲力雖得竹庵藏本徒度高閣飽蠹魚耳沈思往事
爲之太息鐵橋散人嚴可均書于武林之廣潤寺時得此本之

三日也

此本目錄前有宋湘芷灣名號兩印卷百六十尾有宋湘印芷灣嘉應州人嘉慶己未進士卒官郡守癸亥春與余遇于廣州不知何處何時得此本而復失之展轉至常熟落書估顧榮昌手而售于竹庵以歸于余二三十年間三易主矣余書屢聚屢散每冊鈐余名印後之視余猶余之視芷灣也可均又書

是年九月余在睦州有武林書估以書鈔新寫本來求售者閱之字畫端正誤處皆空白是慣家鈔本也其卷七亦采余校語益知淵如藏本必在錢唐因問云此新寫本出誰家也書估荅甚支梧越五年余復寓廣潤寺書估始吐其實淵如藏本早爲何蓼華元錫得來蓼華棄世其子貧困去冬以售于秀水令陳

振之振之闕人罷官本今入闕其新寫本亦蕩華家鈔也先售去道光十四年六月九日可均又書

書汪小米所藏北堂書鈔原本後

余間小米得原本書鈔八九年矣今夏六月十三日始索觀之紙潔字工有朱竹垞印蓋曝書亭藏本後爲錢遵王所得者也讀書敏求記云間嘉禾收藏家有原書蒐訪十餘年而始得繕寫精妙緝閱之心目朗然所謂嘉禾收藏家者卽曝書亭也江浙有書鈔原本五余見其四繕寫精妙獨此本耳故知卽遵王所得也曝書亭集有大唐類要跋其本收藏未久落書賈手改爲古唐類範售于季滄葦嘉慶初黃蕘圃得之余屢借觀每卷古唐類範四字俱挖補因疑先爲大唐類要亦是挖補其本胥

鈔不及此精善道光甲午歲季夏可均

書初學記校宋本後

新唐志初學記三十卷張說類集要事以教諸王徐堅輩述余
欽施敬本張烜李銳孫季良等分撰今世行本僅明安國民泰
所校刊者爲稍舊安國得宋板大字本多闕策倚館客郭禾采
他書補足而通部亦改竄刪補非宋舊也其陳大科徐守銘等
本皆祖安國復加改竄別有古香齋巾箱本未不知所祖乾隆末
有書賈以黑口小字本求售者蓋元板也嫌稍漫漶索值過多
還之旣而悔之不能復得嘉慶初王蘭泉少寇得宋板大字本
丙寅春孫淵翁借得之以示余余案頭有徐本取與對勘開卷
見劉序刑名度數宋本刑作形形名猶言名物改便失之因竭

四十日力得互異字彙萬用丹筆悉注于徐本之旁宋有而徐無者注于上方宋無而徐有者フ之卷十七宋闕第二十策驗行數字數知安國所據本不闕卷二十五二十六二十八二十九三十九凡二十二策宋與徐絕異皆安國所據本之闕策而郭禾補足者也不能對勘別寫之夾置之各卷中審知此書自唐開元而北宋展轉胥鈔到紹興四年始鐫板勝處固多誤亦無算然往往卽誤處可得勝處故宋本可寶也且安國前乎余三百餘年僅見殘本余得見完本尤快事也淵翁勸余審定乃取校本常置案頭漸加決擇十得二三至乙亥夏始以淨徐本錄取其長仍其疑似若譌謬灼然者置不復載宋本之善不盡此而盡於此嘉慶二十年七月五日嚴可均書於冶城山館

書明刻本太平御覽後

御覽一千卷今世通行僅明黃正色刊本脫誤俱倒據用甚難
明活字本亦如此余偶至丁秋水京寓語次以所引御覽數十
事商定誤字慨然歎曰吳門朱丈文游藏宋刻本三百六十六
卷久欲就校蹉跎到今遠隔三千里此未了事也同寓有張上
舍者張天如先生曾孫也語余曰先高祖有宋刻本御覽千卷
先曾祖分授二女作嫁裝各得五百卷今但問陸願吾可以就
校願吾卽先祖姑之孫余狂喜請問願吾里居上舍手書片紙
云願吾者陸時化字潤之號聽松之子住太倉州西門內大橋
東石皮衙口路北余問所未聞歸寓而書之御覽後時嘉慶己
未歲十月二日也

書經典集林後

經典集林三十二卷臨海洪頤煊校輯末卷爲總目云臨海記
史志俱不著錄未詳撰人名氏余按北堂書鈔一百五十八引
孫詵臨海記南史丘巨源傳孫詵字休羣太原中都人別有沈
瑩臨海水土物志見隋唐志史通非卽此又總目白澤圖引抱
樸子內篇登涉余按吳志諸葛恪云此事在白澤圖出抱樸子
前聞此書既刻板于廣州未及寄語也頤煊號筠軒浙士之善
讀書者

書顏魯公文集後

顏魯公集原本四種各十卷久佚館閣書目云嘉祐中宋敏求
輯其刻於金石者爲十五卷劉原父序云吳興沈侯輯爲十五


卷東嘉守留元剛序云原父所序卽敏求斬其刻於金石者如
留此說宋沈止是一本然留刻本僅十二卷缺三卷無和政公
主碑至顏夫人碑十首而有補遺及年誼行狀則又宋沈所無
者此北宋兩本之不同也舊皆以詩居首至南宋復有東嘉守
某兼據宋沈本留本改編重刻先奏議次表次碑銘次書序與
記之類以詩終焉補遺散入各類卷仍十五而年誼碑狀列傳
附於後此南宋本又與北宋不同也後皆不傳明嘉靖中錫山
安國民泰得舊寫本刻之萬曆中顏盾祚又以家藏舊寫本刻
之其後顏崇榮復據安國本重刻之其源皆出於留本無和政
公主等十碑而展十二卷爲十五卷以奏議居首以詩終蓋就
南宋本改編而書帖居末又與南宋不同永樂大典所載蓋宋

沈或南宋本也諸敝碑在焉既編入全唐文又四庫書簡目目錄云據右刻增尉遲迥等八碑據說部增和政公主等三碑諸文余未鈔得而碑石之見存者余收精拓本最備又從唐人說部鈔出奏停千秋節辜涉諷忠孝駁議等篇異日重編庶更完善魯公節義如日星河嶽爲唐代第一流所不待言言文集之源委異同焉道光八年中秋後一日得顏肩祚本於吳山寓賞樓搖筆書後

書今中鐘後

右今中鐘嘉慶乙亥歲江甯城外新出土售之銅作坊秤之重五十六斤八兩斤直銀一錢六分先搥落鐘縣重四斤鎔得銅二斤八兩將短其直勃谿警徹鄰右余友倪秀才灝間之亟滿

其直得之後三日余走訪倪索觀之手拓其銘凡二十七字其
十八字在鉦間九字在鑾右文曰兮中乍大林斲其用追孝于
皇考己白用侃喜前文人子孫永寶用高其篆體是春秋前物
兮中卽義仲己白卽紀伯春秋有紀伯季則此鐘紀國所鑄傳
記無紀義仲余所見兮中籀文曰兮中乍寶殿其萬年孫孫永
寶用卽其人也先是京師有號叔大林斲鐘索直過多積年無
售主後歸阮雲臺撫部而陳受笙孝廉亦得號叔鐘于秦中後
歸伊墨卿太守又吳山尊學士亦得號叔鐘後歸孫淵如大參
三鐘銘皆八十七字唯伊太守所藏形制略小字畫亦略細今
此兮中鐘輕重大小與伊太守所藏相等孫大參據號叔三鐘
皆作大林斲鐘因釋此銘斲字爲和鐘二字合文余不謂然鐘

從重聲重從辛重省聲重從壬東聲今此齷字偏旁上從辛卽
辛字下從重不省說文重籀文作或卽此也籀文從廿與此
卅相當中間千形乃壬木二字之上體與和無涉余又見宗周
鐘文曰乍宗周寶鐘直從東聲古籀偏旁唯變所適讀說文而
會通之可識六書之義矣質之孫大參以余言爲然遂書之於
銘文後乙亥九月十八日

書秦泰山刻石殘碑後

秦泰山刻石前明塵存廿九字在玉女池旁宏治中按察使會
事灤河許莊移置池上公所雍乾間公所傾圮石亡嘉慶廿一
年泰安縣知縣蔣因培字伯生潛池得殘石二枚凡十字嵌之
石壁與唐紀太山銘附近且築亭于旁搨一紙寄余視舊搨少

十九字至寶失而復得快甚先八年余在江寧得家侍讀長明
字道甫所藏舊捐廢爲一軸懸之高舍署曰斯翁墨寶齋今又
得殘石本爲浮一大白舊說皆云萬歷中從玉女池移置碧霞
元君廟乾隆五年廟災石燬于火若然池去廟遠不應殘石出
池中舊說非其實也世間秦篆若繹山會稽皆展轉臨摩唯瓊
耶臺及此十字爲真蹟伯生之功爲何如耶是年秋七月十日
書于孫氏之冶城山館

書伍詒堂所藏西嶽華山廟碑後

漢西嶽華山廟碑前明嘉隆間石毀所傳舊拓本最顯者有三
其一長垣王文藻本後歸宋漫堂撫部又歸陳伯恭宗丞今歸
成邸其二鄞縣豐道生本後歸天一閣范氏今歸錢竹汀宮詹

又歸阮雲臺撫部已上二本余皆有跋尾編入鐵橋金石跋中
 其三趙子岫所見東華商本後歸華陰王無異今歸朱竹君學
 士其本余未見之間凍拓有墨暈就三本中長垣本最先拓最
 瘦無泐缺而鄞縣本稍肥前六七行泐缺百餘字愛是整紙未
 經割裱額左右唐宋人題名全備余在撫部京寓借觀此二本
 坐臥相對皆七八日各雙鉤一再過其模糊泐缺處余皆能記
 憶之其重摹者有姜任修本巴慰祖本曲阜孔氏本大興翁氏
 本琉璃廠本阮撫部本孫大參本余皆收得之當前明嘉隆前
 碑石尙存安知舊拓無數十百本今流傳日少而其沈埋故紙
 堆中者往往有之特難得耳而收藏家堅執成見必謂舊拓僅
 存二本是不許嘉隆以前拓第四本也余未敢傳和也去冬余

在姑蘇曾見靈按察藏本云得于秦中墨色稍淡其模糊泐缺處如輕雲籠月神骨具存斷屬舊拓本今江寧友人伍詒堂又得馬氏玲瓏山館本于揚州較鄞縣本所缺百餘字此皆不缺惟裱工庸下割紙挺刷視長垣本稍肥而紙墨極舊其模糊泐缺處亦如輕雲籠月神骨具存斷屬舊拓本惜失去仲宗之世云云一葉及遂荒華陽云云一葉共九十六字又唐宋人題名盡皆割棄爲非全璧要無害乎其爲至寶也又原碑隱隱有棋局界畫重摹本皆無而此本有之亦舊拓之徵嘉慶甲戌冬借詒堂本審觀乙亥冬又借觀搖筆書後

書王尚書殿試卷後

餘姚王海日尚書華新建伯守仁之父也成化辛丑對策第一

其卷貯內閣大庫明鼎革後散落人間展轉歸陳待軒近歸陸香圃香圃索爲題識因得敬讀再三所言政治之名實體用漢唐宋之得失瞭如指掌知新建學問事功其來有自尙書事蹟明史在新建傳卷式視今策廣一寸弱高一寸強通卷字數多今策三之一得宋策之半弱每行卅字其提行高寫頂格者行卅二字脫落字得添注祖宗高二格我朝之我大有爲之君之大大對之大俱高一格前明功令難爲典要亦足備掌故于時道光九年龍集己丑六月朔後學嚴可均敬書

書葛香士林屋藏書圖後

葛香士居林屋之山鑿壁爲架以藏古書我鄉張氏鑑爲作圖且爲文以記之余未識香士面而神交有年張氏則余舊交也

林屋有靈寶石函神禹所發故其民風往往能聚書前明如葛氏一龍蔡氏羽其尤著也顧其書目不傳香士爲葛氏一龍族孫能承先志益張大之可謂賢矣旣編有書目余未之見見其圖爲神往者久之余稍有誤述而家貧不能多聚書願自周秦漢以逮北宋苟爲誤述之所必需亦略皆有之南宋已下寥寥焉非不欲也力不足也四十年來南游嶺海北出塞垣遇希有之本必倩精寫或可售卽典衣不吝今插架僅二萬許卷不全不備以檢近代諸家書目如世善堂天一閣萬卷樓世學樓傳是樓曝書亭及同時同好如魯孔氏閻張氏漢陽葉氏陽湖孫氏續溪方氏以至石刻之本異國之本道釋之藏彼有而余無者多矣彼無而余有者亦不少也然彼所有皆余曾略觀者也

惟陽曲傅氏言謝承後漢書永樂中有刻本見困學紀聞闕氏注邢氏澍爲余言漢中張姓有修文殿御覽傅氏邢氏非謾言者余將老矣不無想望黃氏丕烈聚書多宋本余與久交不敢效之書非骨董未得宋本得校宋本足供余之譏述可耳乾隆中舊版書易購余隨得隨散存者僅千餘卷嘉慶中士大夫漸次

進呈

皇上不峻拒僅數年海內翕然視舊版書爲奇貨余寒士也詎有餘力居此奇貨哉顧嘗持論幸生

右文之世道一風同之會挾數囊金購書蘇杭市不半年可致索萬卷此有力者常事亦何足以自棄當視

四庫所未著錄阮氏所未續

進幸而得之廣爲流布區區此願霸然大公百今檢架上得天
聖閒李季所編乾象通鑑百卷等大小八種皆寫本世上絕無
僅有者香士好事尙亦得古書與余所藏有錙兩相稱者請走
使來告互相借鈔則藝林勝事也不然家有做帚亭之千金將
恐龍威笑人

鐵橋漫稿八

文類六

四錄堂類集

稿八凡十九葉
字分上下字の字